

經部

欽定四庫全

禮經會元卷二世

詳校官監察御史臣邱文愷 刑部郎中臣許兆椿覆勘

總被官編修臣王燕緒 校對官中書臣袁文部 謄録舉人·臣黄 煒

THE REPORT OF THE PERSON OF THE PERSON A MITTER STATE OF STA 官在五君看官府之數各有版 禮經會充 管之次舎士庶子有士 **壬庶子之職事此皆言** 糾禁而比百官府之泉

之事則士庶子亦有徒役也何以不為兵衛乎愚以周 禮考之宮正宮伯所掌皆即衛也太僕虎貧司隸所掌 中若漢衛士故曰兵衛不思宫伯郎衛明言作其徒役 在宫中而入衛者宫伯掌之眠朝則司士正其儀大事 官吏在宫中而直宿者宫正掌之卿大夫士之子庶子 為不然彼以官正所掌謂官府之胥徒給縣役者在官 乃兵衛也蓋天子之衛有二而其别有四卿大夫士之 則諸子掌其政此居守環列之衛也王眠朝則前正位

掌之而旅貨氏屬馬此奔越先後之衛也居虎門之左 之師四程之樣使服其邦之服執其邦之兵以守王宫 使其屬卒四夷之吏各以其兵服守王之門外師氏掌 僕掌之而小臣御僕屬馬此僕從侍御之衛也虎士八 久足可事主告 国 司隸掌之此周防鍵閉之衛也宿衛之别有四而即衛 兵衛俱在其列二者常相聯馬然而居守環列之衛天 百人先後王而趨以卒伍眠朝則在路門之右虎首氏 而退王出入則自左馭而前驅眠朝則在路門之左太 禮經會元

待於警勘哉蓋百官府之宿衛必有供給徒役之民尚 其人必皆德行道藝之選而無淫急奇衰之習矣尚何 官廢職之失夫百官府宿衛王官者均稍而會事可也 **發其出入去其淫怠與其奇衰之民所以警之使不為** 惡也均其稍食使無廩食不繼之憂會其行事使無曠 會其什伍而教之道藝所以勸之使為善也辨其外內 子所親以為腹心者也居王之左右前後則其地密備 王之顧問應對則其任專是必稽其功緒而糾其德行

之子弟有師保以教之有司樂以合之又有諸子以考 者孰非端人正士哉若大虎貴之士臣隸之僕夷禄之 糾察之時必不遺士庶子也如此則在八次八舍之列 之故官伯惟均其秩而領其衣表均其叙而掌其誅當 行道藝之害居王所者必皆薛居州而後可此官正所 **处是写真心的** 以拳拳於此也至於士庶子之在版者是其鄉大夫士 糾教之法雖不如宫正之詳然宫正為宫官之長其為 不以時而糾勸之一有不正之人混乎其中必能為德 禮經會元

為宿衛也官正官伯則統於太宰虎質太僕則統於司 一為兵而不聞一武夫悍卒放慢說誦之人得厨跡於其 開師氏虎貧無非古士侍御僕從因匪正人平時夾階 有郎衛兵衛之別而何當有文事武事之判邪然均之 祀而立堂垂執劉鉞而止戈刃者卒皆見弁之士是雖 八百人不言徒而言虎士則皆士人之有勇力者雖名 以下大夫統之師氏以中大夫帥之又況虎賁氏所掌 兵雖不言其政教禁令然虎貧氏以下大夫掌之太僕

衛不可以不相聯而兵權不可以不相制官皆王官兵 馬司隸則統於司寇而師氏又為司徒之屬何哉蓋官 兵衛亦明矣然日仮雖掌兵非有宰臣之命則不得以 夫虎貨之士非太宰之屬而太保得發之則太宰兼總 桓南宫毛俾爰齊侯日假以二干戈虎有百人逆子到 皆王兵先王固無相疑之意而戎戒不虞備存無患先 擅發召公雖制命非有二御将命以往則亦不得以專 王亦不能不先事而為防嘗觀成王之季太保乃命仲 禮經會无

也北軍機京師此幾兵也古者前朝後市王宫在南故 将郎中户将郎中車将之屬如羽林期門皆屬馬兵衛 寺之所掌者兵衛也郎衛有中郎侍郎中郎将郎中騎 之宫衛而考漢制則漢光禄熟之所掌者郎衛也衛尉 說者多以南北合論之則非矣蓋南軍衛官城此衛兵 都僕八屯衛尉司馬皆屬馬此南軍也循周官衛也而 行兵權散主不在一人周人制兵之意深矣抑當自周 有長樂未央甘泉建章宫衛尉衛士令丞之屬如左右

帝嘗拜宋昌為衛將軍兼領南北軍而未幾復罷之矣 是以北軍護京城也北軍本無衛名與官城無預雖文 然則北軍為幾兵此漢制也而周人獨無幾兵乎蓋周 是以南軍衛官城也案八校尉有中壘校尉掌北軍壘 久三日 三十二 門內則北軍屬之中尉無疑矣表日中尉掌徵巡京師 |納日產則南軍主之衛尉明矣表日衛尉掌宫門屯兵 謂之北軍所以别也案周勃入北軍乃令人告衛科母 漢衛王宫之軍謂之南軍官衛既謂之南則京師之軍 禮經會元

南軍可以制北軍劉屈楚發三輔近縣兵入長子與太 第不如漢人北軍調兵三輔而有番上之勞募兵五校 司馬而将皆命都是一部分主兵權爾握兵之寄固可 子戰則謂北軍可以制南軍此相統之說也不思古人 見周勃既入北軍尚有南軍必令平陽侯告衛村則謂 有兵權相制之意而無兵勢相統之形周制六軍雖屬 人王畿千里之地寓兵於農司馬所制六軍即畿兵也 而有長屯之衆爾唐李揆嘗謂漢以南北軍相統彼徒

而已其秋則尊而其職則寡果如漢城門兵之制邪夷 每門下士二人鄭氏謂若今城門校尉主王城十二 之相統則周人王宫之衛亦與王畿六軍相統乎漢之 外始置屯兵長安諸城門至成帝時羊河侯譚等以特 城門校尉亦屬北軍案劉屈凳傅曰武帝以戾太子在 進領城門兵則城門兵尤重矣周禮司門下大夫二 以相分置兵之謀不可以相忌如曰中外制兵而必使 不思成周司門之官合胥徒只七十八人每門亦九人 禮經會元

欠足四年全書

案南軍衛官城以郡國兵番上為之則在外而且遠北 及周人畿兵之制改併以是而辨周漢城門兵制之異 者有不專倚於兵矣愚故因官正官伯郎衛兵衛之辨 聞有王畿之兵未聞有城門之兵盖人所以恃衛王國 考成周之制惟聞有王宫之衙而未聞設王畿之衛惟 而及漢人兵衛之制又因南軍北軍衛兵畿兵之辨而 **護京城以三輔兵番上為之則在内而且近此其意**

王宫朝在野外則守內列蓋謂是敏 以之衛官城則無肘腋之變亦如師氏師四隸守王門 師而無腹心之憂郡國在外而遠人無觀幸非常之望 何邪蓋三輔在内而近人有問里親戚之愛以之護京

更足四事全替

100

禮經會元

Ł

案後漢百官志屯騎越騎步兵長水射聲皆云掌宿衛 漢南北軍圖 前表以八校合為城門後志以五管屬之北軍是 兵今屬之北軍中候以北軍布領宿衛兵何也當 權散主之意亦 兵 共更一年知其以此等人 歲盡交代人皆自請復留 衛 為之器益寬饒為衛司馬 馬此軍以即國村官騎士光禄数戶 為之也 衛候司馬二十二官皆屬 衛士旅賣三令全及踏屯 南軍衛尉主之公車司馬 四隸即於師氏虎責屬於司馬數 為騎即李廣為即騎常侍是也 将左右中郎將侍郎即中車戶 家子補羽林是也 期門乃執兵送從此即無員羽林 光禄熟所掌有中部五官中部 以六即良家子甘延壽以北也良 騎將期門羽林皆屬馬張釋之 乃以六郡民家子補之如趙充图

軍 京 学運輸者上為之案黃霸為京校門十二年甚云如今門候中尉巡 经運輸者上為之案黃霸為京校門十二年甚云如今門其中尉巡 如今校尉每門下去 校步兵門屯兵長水町胡騎 八屯騎掌騎士胡騎掌池陽 中聖學北軍打聲時部 越騎掌越騎虎賣掌輕車 北軍中尉主之中尉令及尉及若城掌八屯周禮司門下寶註云 北軍中候監五管部騎長水虎賣並 武帝置人校各有丞司馬胡騎不 常置政云内墙之校中與省中聖置 騎如周四隸虎賁如周虎賁 射射聲故曰北軍五校案胡騎越 如今校尉每門下去

一一一一年全書 **伸允膳夫又曰膳夫左右古人拳拳於膳夫者蓋以膳** 也膳亦食之善者也鄭康成謂今時美食謂珍膳皆玉 及膳夫之職寧不以膳羞為重軟膳夫食官之長詩曰 食之謂也是以天官之屬自官衛之外未遑他事而首 書曰惟碎作福惟辟作威惟辟玉食玉食與威福並言 則是惟碎獨專而非人臣之所得有也蓋玉食言美食 膳羞 人則可以導人君奉養之節而室人君嗜欲之原

之也六番六獸六禽之名死生驗養為差之物膳羞好 左右前後之人必不至以一飲一食而忘君之疾也或 羞庶羞禽獸之供此危人掌之也內而膳羞割京煎和 者徒知以一人而治四海以四海而奉一人固宜受天 而已哉且以膳夫下數官考之食膳飲之用六珍之用 事之無愧者要必有以養其心也宣徒為是口體之養 下備物之供享天下備味之奉而不知古人所以受而 人羞醬之用百有二十鼎組之物皆十有二此膳夫掌 遭經拿元

臉之共鼎俎壮體魚腊之實外養共之事人共鼎錢給 多好四年全書 其敬授祭品嘗食王乃食所以謹其微侑食以樂卒 口邪今觀膳夫之掌膳也王熊食則奉膳賛祭所以起 役於外內賽獸人共獸戲人共魚驚人共魚鼈龜昼腊 水火之齊以職於外內賽甸師共深盛即新然之徒以 之事脩刑無胖骨鱅之具内饔共之外而割烹脯脩刑 人共脯腊臉胖此皆備物之供備味之養以奉承乎 人是之謂玉食也然聖人豈自奉養而使肥甘日足於

飲定四車全書 氣體而衛護其生理者無不曲致其詳是以居移氣美 散温凉以敢四時之苦古人之於飲食凡可以均平且 時之宜內賽則辨商羶臊狸腥螻之臭而去其六物之 如祭僕凡祭祀致福者展而受之及受都宗人家宗人 則可以保國家也又沉膳夫之膳諸臣祭祀婦服於正 移體耳目聰明血氣和平蓋存我則可以厚蒼生安身 不可食獸人則辨冬夏春秋狼麋獸物之獻而取其聚 以樂所以導其和危人則韓香臊腥羶之膏而欲適四 機經會元

之式王既無妄用臣亦無妄供雖不會猶會也至於殺 后世子之膳與禽膳夫庖人不敢會然太宰己有膳羞 心亦見王之不妄費物也獸以時田魚以時梁龜鼈亦 性盛饌日舉王舉則內聽陳其熊祖以性體實之臨人 如司士賞嬪士者膳其擊即宗伯以禽作擊者亦受之 以時籍則是王之奉養有節而交萬物有道也雖曰王 以給王膳羞致福之內享擊見之禽不惟起人主之敬 之致福者則受之以給王膳以羔鴈雜為擊而見於王

而不舉盖人君以天地萬物為一體一有的變則城而 次定四車人工者 一 其取物也有道其視物也同體不徒為口體之養而且 官凡所以奉承於王者其辨物也以時其用物也不妄 有以養其心此之所謂飲食宴樂之所謂養八珍九鼎 心處而頗而其敢追安矣況敢以盛饌自豊非思考數 則共臨六十甕醢人則共臨六十甕王日一舉齊日則 一舉蓋其将交神明心變食以致養宜豐於常日也否 日一舉馬若有畏荒禮裁變故則又徹常日之膳 禮經會元

議之内侍省而大臣皆無所政令於其間矣大臣無所 嘗謂詩之鹿鳴則曰熊羣臣常樣則曰熊兄弟伐木則 統則小臣無所忘養體且不足況能養心平 主晋人則屬之光禄渡江以後則又禄之侍中至唐則 之所謂饌而耳目聰明大人格心之學此為有助於王 少府而掌於丞相御史猶有周官遗意東漢則以奄人 而掌於太宰也西漢太官令循膳大等官也漢以隸於 旅禮

飲不醉無歸又曰厭厭夜飲在宗載考其恩意之浹洽 諸侯毛則是亦無諸侯而已爾故湛露之詩曰厭厭夜 諸侯為至矣然以燕諸侯者推之則其燕羣臣之意可 以隆君上之恩而洽臣下之歡也大宗伯以嘉禮親萬 之周矣今觀周禮禮有蔗禮樂有燕樂射有蔗射皆听 何獨詳於諸侯而畧於羣臣邪秋官司儀亦曰王無則 日熊朋友湛露則曰燕諸侯周之熊可謂禮之備而意 民而持曰以饗燕之禮親四方之賓客饗燕只及賓客

之三日 Non

禮經會元

|強臣非不親衛杯酒接殷勤之歡有如太僕言王燕飲 無奉臣之禮故命酒正共之言臣不可亢若也且王之 言臣不可敬君也奉言賜之以酒若有所奉於臣也君 以酒若有所獻於臣也君無獻臣之禮故命膳夫主之 共其計酒正奉之凡泛言然飲者皆照臣也獻言勸之 當考之膳夫曰王熊飲酒則為獻主酒正曰王熊飲酒 親故舊朋友飲食質射寧非無及羣臣兄弟朋友邪然 知矣大宗伯曰以飲食之禮親宗族兄弟以賓射之禮

金好世月白書

情之有加而無已也然則無臣之禮行之於周官者祭 又思樂猶未已而至於行經猶未足而至於又思也者 セスンション・レー 1月 · 無以行君子有酒嘉實式無錢之君子有酒嘉實式然 賢也有日君子有酒嘉實式無以樂君子有酒嘉實式 僕與拜爾其何以盡其數形南有嘉魚一詩成王樂與 分嚴待以係友者其情決否則亟問亟飽而使臣下僕 則使膳夫奉則使酒正而王不親焉蓋臨以君臣者其 則相其法是王之親燕臣下而太僕相其左右也今獻 理性旨己

若饗者老孙子士庶子共其食業大宗伯以餐熊之禮 孤子與士庶子皆共其酒稿人掌共內外朝冗食者也 金万四库全書 親四方之賓客賓客謂朝聘者樂師曰饗食諸侯序其 然有文以相接歌之於周雅者雖然有恩以相爱此成 外察掌外祭祀割事者也邦饗者老孙子則掌割事之 事饗士庶子亦如之酒正掌共王飲酒者也凡餐者去 王所以熊臣之意數 饗食

之也盖臣有以獻於君君心有以饗於臣是以國之貴 次定四車全書 一 士使之則饗之宜也若夫者老則不與我政者也孤子 而羣臣可知故肆師曰饗食授祭司几筵日大饗食大 司干言實養皆諸侯實客也外而諸侯實客有餐則內 游子弟宿衛王宫者亦以其禮饗之鄭氏謂若令之繁衛 師小師裝師言大饗亦如之鍾師言饗食奏無樂笙師 樂事令奏鐘鼓世婦內宗籥師言賓客之饗食與庸器 言饗共鍾笙鎛師言饗食鼓金奏泛言饗者則羣臣預 禮經會元

遺人掌門關之委積以養其孤老誠以為天下老者幼 獄刑之赦宥必憐其老的此皆尊老慈幼之意也至於 者孰非可養之人聖人病其施之不能博而衆不可以 老幼吾幼以及人之幼一征役之施含必辨其老幼 重於士庶子何哉蓋聖人之治天下老吾老以及人之 者而共其食每言繁士庶子則先者老孙子是待之方 亨者而掌其事共王飲酒者而共其酒使共外內朝食

則弱未任事者也先王必隆其禮而饗馬且使掌祭割

之酌且無數則若人之所以待老幼者其仁為無窮由 次冠四年全書 一世經會元 老雖不與於我政亦念其子之死於政也孤子雖弱未 此推之則發事之饗楊食之饗其思禮不亦厚乎其所 相接惶然有恩以相爱所以曲盡君臣之至情也以酒 任事亦念其親之死於事也饗之豈為無謂乎周人飲 盡濟也故好以老老幼幼之仁而寓之饗禮爾案司門 酒皆有限獨於此共其酒而無酌數者蓋桑然有文以 日以其財養死政之老與其孤謂死事者之父子也者

泥塗矣餐孤之禮行而受齊之乘車兩馬五邑之賜者 推行之則饗老之禮行而終縣四百甲子之老不辱在 孤所以教天下之慈一饗之項而司徒慈幼養老之教 君之恩而勸天下之忠也蓋養老所以教天下之孝恤 已寓乎其中故曰上老老而民興孝上恤孤而民不悖 以為是委曲周旋者不特報其父子之死王事亦示人 一物而忠與孝慈之道達馬誠使後世能守是意而 顏庚之子矣上以是施下以是報横草之老執

電腊之官膳夫祭祀則徹胙祖庖人祭祀則共好羞內 於飲食之事豈持以其師徒役外內養之事而遂列之 甸師掌王籍者也何以統於冢宰而列於食官以其職 於此邪曰非也蓋先王設飲食之官雖曰共王膳羞而 實宗祭祀之事面師而上有膳庖餐事之官下有獸魚 耕籍 一共盤盛日共蕭茅共野果旅之薦而已初無預 一款謂後世而無若人哉 遭經會元

官以見先王一飲食而不忘孝也記曰天子親耕於南 祀共大羹到羹獸人共祭祀之獸戲人共祭祀之魚鼈 應則掌宗廟之割事外養則掌外祭祀之割事事人 郊以共菜盛謂籍田干畝也天子三推三公五推諸侯 以事存之禮而事亡一食而且祭其先一物而不忘其 本而沉粱盛之奉詎可忘其自來邪以面師而列於食 人共靈纸腊人祭祀共腊物先王以事人之禮而事鬼 推庶人終千畝此耕籍田以教諸侯之孝今周官但

一致定匹庫全書

老二.

乎旬師亦特言其職云爾案內率王后帥六官而生種 一言甸師師屬耕耨王籍以時入之豈特付之有司乎成 籍田可知矣夫以天子自躬親耕之禮則天下熟不勤 於耕以耕籍而共深盛則天下熟不勘於孝其田干故 楚之種而獻于王註云王當以耕于籍田地官舎人亦 止二則曰曾孫來止成王之於民田循躬戾止況籍田 王之於農政無不躬親其事詩人歌之一則曰曾孫來 曰歲時辨種陸之種以共于王后之春獻種則其躬耕 選逐等元

事王食之奉热馬而不念菜盛之所從出是誠何心哉 漢自文帝始開籍田率耕以共家盛猶有古意他如耕 于鉅定耕于上林耕丁釣盾弄田皆非耕耤之禮彼侈馬 之意已不復存以之為司子孫且不籍干敢他可知也 内養之事而又足以示天下之無游民故曰耕籍者天 無曠土其徒三百人自耕籍之暇則使之以籍蒸役外 或有來田使之共蕭茅果旅之薦而又足以示天下之 下之大教也然籍田之制後世猶未盡廢而先王教孝

周 次定四車全書 又 實教天 通堯之親族禹之欲族周之睦族非惟私公族以恩而 特崇屏衛也蓋枝葉之庇本根所繁支體之爱脉絡相 食不可與則籍田不可廢盍亦相與講求其禮而行之 以睦族為重建國之初以懿親裂土者五十國非 以甸師而風於食官之列食官闕則甸師廢至 同姓 下以睦也人同是心心同是理為親則民與 禮經會元

而不可免者在小司寇不敢以即于市在掌囚者不敢 友爱之誼者無所不用其極而王族者盍知所自爱矣 金路而隆同姓之封司士則正朝儀而嚴王族之位司 多美乎是故宗伯以飲食之禮親宗族兄弟以服腦之 儀則别王儀而重同姓之揖凡所以隆親族之恩而寫 禮親兄弟之國小宗伯以三族之別辨親疎巾車則掌 不幸而麗于法則司寇又有議親之辟以有之若有罪 睦族則民歸厚其所以淑人心而開天理者其功不旣 奉而不忘祖宗可也今也有罪而不可免則刑之于旬 不在是蓋的師掌共深盛為王子孫者盍亦思深盛之 周人必以刑于甸師氏者記曰公族 無官刑不前其 盡王族有罪則自取之也明啓刑書而與泉知之可也 有罪則死刑馬夫周人之於王族可謂仁之至而義之 敢戮以路市心以殺之于甸師氏故甸師曰王之同姓 類也刑于隱者 不與國人處兄弟也然周人之意又 四以適市則奉而適甸師氏以待刑戮在掌戮者不

夕に可与 とよう

禮經會元

萬之刺與甚至同氣相刃同姓相兵天下不復見成周 一回師氏又以見成周之體羣臣也古者刑不上大夫的 同姓有罪則死刑馬而掌囚掌戮凡有爵者必歸刑於 忠厚氣象吁太宰之繁民必曰宗以族得民司徒之安 一句師氏宣得已哉自此意不明而常棣之詩廢角方葛 有族不睦而欲民德之歸厚難哉柳嘗觀旬師氏惟曰 民必日聯兄弟皆所以陶天下於忠厚之歸也上之人 師是循得罪於祖宗而祖宗戮之也吁周人戮同姓于

賢之義行馬同姓有爵之人亦可以自省矣 DANDING LIGHT 而我同姓而親親之仁行馬雖以旬師而我有爵而尊 罪而歸刑于甸師者亦豈周人之得已哉故雖以甸師 臣不能共樂盛之奉而祖宗戮之也吁尊臣之有功者 有罪而不殺戮其忍刑之於市乎刑於甸師者亦以羣 坐獄訟凡有爵者亦不以奴罪加之皆所以存臣體也 **葬則居於先王之公墓祭則預於先王之大烝今乃有** 有麗於罪者必以八碎之議以宥之命夫命婦且不躬 禮經會元

金万匹四人人 弭之於無形之始第二項是食官所以保身體之安而 天官自军夫而下第一項是官官所以防肘脏之變而 醫官 於無事之日第三項是醫官所以全性命之正而

和食疾醫養疾瘍醫療為獸醫療獸者尚疑其冗長不

過乎夫醫不三世不服其樂懼不精也人而無恒不

本民命之大者醫師為醫官長下四官各有所掌食醫

藥之於無病之時三者體統雖殊而脉絡則一皆關國

攻之以五氣養之以五樂療之以五味節之又辨其辛 醫之療民傷也必別其有腫潰金折之寫然後以五毒 とこりき ハスラ 惟求其精而專爾豈暇計其冗且長乎今觀疾醫之 五樂養其病以五氣五聲五色視其死生兩之以九 氏疾也心光辨其為春夏秋冬之疾然後以五味五穀 一變參之以九臟之動此非精專於內證者能之平 為醫懼不身也疾醫不使之療寫內外之 豐經自己 /證異也

之分場者而使鳴醫治之歲終則稽其事而制其食以 為醫師者則聚畜毒藥以共醫官分疾者而使疾藥治 酸酸苦甘之樂而為骨筋脈氣内竅之養此非精專金貨四库全書 失全之多寡而分上下民死則書其所以而入於醫師 發而養之其傷也為難攻則必灌而副之以發其惡然 知則必灌而行之以節之以動其氣然後觀其病之 外論者能之乎至於獸醫則兼疾寫之療其病也為難 後藥之養之食之此非精專於治獸者能之乎

次定四東全書 六食六飲膳羞醬珍之齊濕熱寒涼之齊既以時眠之 貴而不使醫官共其事何邪曰此當以食醫水之乎在 之疾未有不生於飲食之不謹故食醫者安當和王之 以見先王仁民之心觀默之病傷有醫有以見先王爱 民與物治其疾於已然在君與臣治其疾於未然凡人 獸死則亦計其數而進退之此又所以稽醫官之能否 物之仁然而民物安矣而王后世子之尊公即大夫之 也為醫官者有不完心於醫者乎觀民之疾寫有醫有 禮經會元

醫和之於其後疾病何由生也不惟此爾醫官而下酒 醫官何職而必繼之於食官之後食醫何職而題后於 正於無病之時而不待療其病於既形之後也不然則 藥石之具而以醫名官是皆保其安於無事之日養其 特為王和之也故曰凡君子之食恒放馬食醫雖不及 林黍稷粱麥茶之宜又必取其味之相成而會之此不 疾醫之先宜無意敏夫旣以食官養之於其前又以食 酸苦辛酿滑甘之和又以時調之牛羊犬豕鴈魚之食

養生之法亦可以知治國之喻雖然尊且貴者因養之 官人舍人掌次之職在在有之不惟致謹於飲食之間 佐膳羞而成五味之旨調飲食而治四時之和者無所 次定四車全書 ~ 於無疾之前卑且贱者乃治之於已病之後先王亦宜 不致其謹列醫官於其中而前後皆謹飲食之義又況 八且致謹於起居之際尚何有疾之可治邪觀此不惟 切聽其民至是哉凌人之藏冰出冰司權之出人納 禮經會元

聚有官職 職有官後人共冰選人共選 随人共 頭可以

施攻療而一意於養蓋其元氣之具必待於保全性命 施獸之病傷則養與療藥並用如民之疾則內證也不 將誰治之邪觀其治疾之術民之傷者則養與攻療並 霜處之感民之財勢不足以致良醫官不使人治之則 火皆為民也冬藏冰而春出火所以助陽而抑陰秋約 之正必加之存養此又醫官之良術軟然周之膳官醫 亦養之於未然而不特療之於已然也不幸而有風雨 **火而夏出冰所以助陰而抑陽陰陽旣均疾瀉不作是**

音晉平公感女寵而致疾而醫和以為良臣將死知悼 統則小臣何所忌邪西漢以太醫太官湯官導官及局 者也其所以養之於無事而圖之於未然者功居多矣 官皆統於太宰者蓋太率與王論道經邦而變理陰陽 不能殺君之過而忘君之疾非臣子之責而誰責人君 人皆隸於少府而統於丞相御史猶有周官之遺意至 一起居一飲食之頃不知致謹皆足以生疾大臣無所 未养平公鼓鍾飲酒而杜削歸各於太師之不聽蓋 禮經會元

後之人有等君體而重民命盍亦相與講求周公之意 粹者尚何望那共王醫者國茶如是況能應及民乎听 大臣而委之近侍奄賢其所以防微而杜漸得和而航 渡江而後則皆隸於侍中至唐則隸之内侍省不統於 知周官酒官遵臨之屬以奄奚為之不知膳官醫官則 皆上士中士下士也晉以太官屬光禄以太醫屬宗丞 東漢則尚藥太官御者雖如舊而悉用奄人主之彼徒

異新舊之異此固酒正之所必辨也祭祀之用賓客之 禁酒那是五齊之酒三酒四飲之物厚薄之異清濁 · 告先王無不致謹於酒今周人以酒設官将共酒邪抑 用王后世子飲膳之用者老孙子士庶子饗食之用此 正等官大祭祀必有酒奉養必有酒為饗必有酒是不 成周酒政嚴矣在周書則有酒誥一篇在周禮則有 5 日廢也然甘酒有戒酒酒有征沈酒有些弊酒有 酒政 凡有秋酒是也凡酒用於祭飲酒用於無禮酒用於饗 人日實客之禮酒是也以禄養而言謂之秋酒酒正日 之陳酒酒人日賓客之飲酒是也以陳設而言謂之飲 則謂之凡酒司尊奏曰凡酒脩酌是也以飲食而言謂 一起灰四麻全書 酒酒人口賓客之陳酒是也以獻酬而言謂之禮酒酒 無以暢此情於臣子此酒之為用博矣故以對神而言 明奉養而無酒則無以將此誠於君親熊餐而無酒則 正酒正之所當共也祭祀而無酒則無以交此談於神

为是四年私告 所必共而酒正掌酒之政令則未嘗不謹馬其酒材也 專用於致養而已此酒之用有别也然而酒人以其酒 陳酒用於祭養秋酒用於養老合而言之皆曰公酒酒 以書契授之至於祭祀之酌且有数王之燕飲亦有計 入酒府漿人以其飲入酒府是故王之所得用酒正之 正日凡為公酒是也若夫五齊則專用於共祭四飲則 他官會計惟以歲終而獨酒正之出日入其成日計之 以式授其實尊也以法共領酒則有法以行之秩酒則 禮經會元

尊所以示其祭酒之有等先王器四之度每每示戒而 有浸淫之患六弊日弊所以示其祭酒之有常六尊曰 舟以示其過量則有沉溺之禍尊有罍以示其不節用 知矣不特此爾先王於飲酒之器而且有法存為葬有 人固奄人也酒正一官獨無一語以示民飲酒之禁而 沉於給用之際乎然此皆示人若節飲之道也酒人漿 及王后而世子之飲酒亦會之則周人之致謹於酒可 也月入其要月計之也而使小字聽之歲終則會雖不

金りせんノニ

之也可處市官之屬則禁以屬游飲酒于市者亦以市 文是四年八日 禮經會元 者人之所聚易至關題故有奉飲不禁者則搏而戮之 謹酒蓋以酒之消人尤甚於水故使掌水禁者幾而謹 未嘗縱民之飲屬之而必以齒教之而使不事一則曰 亦因祭酺而行獻酬何邪蓋周人未嘗禁民之飲而亦 黨正方且屬民而飲酒于序司徒之陽禮則教之以飲 禮二則曰禮又何待於禁乎年氏秋官之屬則掌樂酒 酒鄉大夫之實與則實之以飲酒族師雖無飲酒之禮

三人以上無故飲酒罰金四雨禁草飲也文帝以酒醪 權其利也然酒禁不掌於酒官之屬而掌於他官是不 矣先王於此必立法以禁之若非後世禁民酤酒而自 賜民羣飲則賜酺三日賜天下大酺示恩意也至武帝 靡穀而下詔景帝以五年夏旱而禁酤應民之也時於 是則羣囂以亂鄉井沉酣以敗風俗而徒訟日益繁滋 也此二官雖非酒官之屬而實操酒禁以禁民者不如 忍因酒以禁民而况因酒以取利乎漢初繭相定律禁

周人之禁民飲者以正民德厚民生而已宜設官以羅 又令民以律占租亦未免規酒利也其後宣帝賜百戶 盖嚴而民之犯法日益衆昭帝元始六年雖罷權酤 恩以示民樂哉故曰以禮導民而為禁則周之鄉飲 不以為私其禁酒也人不以為怨以利罔民而為禁則 民利哉周人之教民飲者以暢民心冷民禮而已宣示 大漢二年初權酒酤禁其飲於下而私其利於上禁日 酒詔勿禁鄉飲酒之會則視之以為非常之思豈知

致定四庫全書 月令則記開冰在左傅則述藏冰蓋冰之有無有以 冰之為用重矣在豳風則詠鑿冰在春秋則書無冰 天令之愆調冰之出入有以關民生之安否此周官所 以有凌人之職也今以其職考之 **藏冰** /榷酤人不以為法其賜酺也人不以為恩 ヘシ 1酒醴亦以鑑是飲食不可無冰也祭祀 /外養之膳羞必以

氣流行於天地之間一氣未至則閉塞而為哉一氣或 而亦所以達陽出冰雖以樂暑而亦所以助陰陰陽 冰政矣夏暑方盛而須冰則夏月治冰政矣秋凉不用 凌人以正歲十有二月大寒方盛之時而令斬冰則冬 冰而刷冰室则秋月亦治冰政矣無一事而不用冰無 月治冰政矣以二月將獻黑開冰而始治鑑則春月治 時而不治冰政則冰之重可知矣蓋藏冰将以備暑 則乖戾而為疾蓋防患者或養其弱而抗其獨故方

陰之盛而陽之微也則鑿冰以達陽而備暑或損其有 以凌人一職而繼於膳官醫官酒官之列蓋將調其氣 雨寫疾不作民不天礼凌人之冰政實有助馬故周人 陰而樂者是以冬無您陽夏無伏陰春無凌風秋無苦 則冰生於水而寒於水爾古人拳拳於凌陰之納者曾 餘以補其不足故方陽之隆而陰之消也則出冰以助 於無事之先而不待樂其病於已然之後也凌人一職 一語及民然而夏曰循冰則必均及字民矣不然

鹽民之食不可一日闕也其用則與民共之其利則 鹽政 謂伐冰之家僅止鄉大夫而已哉

所有以共王用爾周官鹽人一職以百事之不可無 故亦以鹽之用而共邦事未當以鹽之利而共邦財也

民而不在官也昔禹任土作貢而令青州貢鹽蓋貢其

鹽有數品有到於地而得者其味苦謂之苦鹽有敖

波而出者其鹽散謂之散鹽有風其水而成者產於 禮經會元

而 是其利則常在民而不在官也上之人特資鹽以共三 謂煮鹽爾自祭祀賓客膳羞之外更不聞以一毫取民 則共飴鹽取其味之甘甜而可當食也此鹽之用然也 而 而非人築成謂之形鹽此鹽之名然也祭祀則共散鹽 加以形鹽取其如虎之形象其威也王后世子膳羞 加以苦鹽取其自然而成不忘本也賓客則其散鹽 而其味甘甜謂之飴鹽有積其國而結者其形似虎 人則以奄二人為之掌其政令謂共鹽爾待其戒令

盡人主之心術者鄭當時也齊桓問管仲何以為國而 審調壞天下之風俗者管仲也啓公上惟禁者猗頓也 守初未嘗私其利於公上而亦何皆有一語及鹽乎故 富疆而權利之禁始典世儒乃謂先王山澤亦必有屬 仲告以海王之國謹正鹽炭舉先王公共之用而為後 禁以過民超利之原不思虞衛等官因設属禁以為之 其飲食之用而不年其利之可以富家自後世以鹽致 者之用而不規其利之可以富國下之人亦惟資鹽以 欠軍事人等 一 禮經會元

禁乎權鹽固無怪也鄭當時何人乃逢武帝之欲推較 利以富其家則上之征利亦無怪矣豈非啓公上之権 其蟊賊之臣乎人主心術自此孟矣寧不謂之鄭當時 齊之大煮鹽者用事漢朝而權鹽之法始密鄭當時者 而為私家擅有之財荷頓者龍斷之賤也家民且專鹽 世自私之具管仲者作俑之尤也伯主既資鹽利以富 有稍頓者用鹽起家致富與王者将取天下通行之利 其國則民之趨利日熾矣豈非壞天下之風俗乎魯人

礼遗之民方且權鹽之不足而又權鐵權鐵不足而又 鹽用而共邦事自賓祭膳羞之外則不敢以一毫取之 斜有均輸官皆主鹽事以至郡國鹽官有三十九為門 奴而已至漢大司農屬官有幹官有两長丞有水衡都 之罪數且以成周之鹽政鹽人一官掌之不過奄女官 とこりう シスト 権於鹽鐵之権茶鹽之権自漢至唐法日密矣儒者不 民漢以鹽利而共邦財自公上權禁之外則不肯以 沃陽有長丞地里其法既密則其官必繁也烏乎周以 宜坚含元

職所做有常制侯貢所致有常法尚何待於理乎然則 不過大字九職九賦九貢之目爾民職所貢有常額地 金兵四库全書 王金陵謂周禮一 排其非而反取成周山澤之禁以佐其說豈不感哉 於須財之頃而見於會計之時考之太府九賦以待 理財之道非見於理財之日而見於出納之際非 財計 一事九貢以待用用五事九職之貢以充府庫式 書理財居其半今觀周官貨賄之入

受之太府也分而領之太府也凡執事者受財用受於 官之長而司貨賄出入之權則利權不分斂散得宜而 太府也凡邦之賦用取具馬取於太府也以太府為府 掌財固非一職而斂散出入之權太府實主之故入而 王則曰貨別其為器幣則曰賄總而言之則曰財周官 也司會所計計此財也司書所敘敘此財也別其為金 太府所以分其領財之府領此財也內府所受受此財 一貢之餘以共玩好太宰所以定為取財之法取此財也 こうし 1.1.

內為受藏以職歲為受用此二職者掌出入之數爾而 職内職內乃司會之屬非受用之府矣王氏詳解以職 之府獨其明於受用之府鄭氏謂受職若內府受用若 後之不繼不恤也財如何而不虧哉然須其貨於受職 出入得以通知之矣向使分掌於諸府而不專總於 藏外府掌共百物知其為受用然內府曰以待邦之 謂之府亦非也劉氏中義以內府掌良貨賄知其為受 司則出財者惟以給辨為能用財者惟以濟事為功而

一一銀定四庫全書

貨賄之藏皆式貢之餘財所入馬此王之內帑也內府 宜為受用之府然受職口貨受用曰賄而二府皆言皆 掌受九貢九賦九功之貨賄良好良器以待邦之大用 待用也太府而下三官玉府掌王金玉玩好兵器凡良 少之四事全書 總之而內府則兼掌之以待用數貨曰藏者亦藏之而 賄又不然矣意者太府自有藏用二府以受貨賄太府 而藏之宜為受藏之府內府掌受貨賄以待邦之大用 用謂之受藏亦不通若案其文玉府掌良貨賄之藏受 禮經會元

之小用皆受馬此亦王之公俗也王之公帑二内俗 也外府則專掌邦布入出以共百物以待邦之用凡邦 物則奉之王及冢宰之好賜予則共之是其用固在外 在馬故一謂之王內府待邦大用而四方使者所受之 以公用多而私用少也玉府掌金玉服佩燕齊之物皆 與四方所獻之物與婦功所領之物入馬此王之公帑 何以謂之内豈非以貨賄之藏在乎內而不可以輕用 外府固待邦小用而王后世子衣服則共之至於

金少日人

豈非以其泉布之流通在乎外而不可以私用者乎或 少足四事人生 邦之六典八法八則之貳以逆邦國都都官府之治則 會計則有司會而下五官以主之司會為計官之長掌 其私太府雖總其財而制之以太宰則太府亦不得以 則非矣三府各所掌而統之以太府則三府不得以行 者徒見外府內府之名遂以內府為內紹外府為公俗 行其私是則成周掌財之官然也若夫財之出入之有 禮經會元

歲終而王后之服且不會是其用又在內何以謂之外

宰而誅賞之令司會則以詔王及冢宰而廢置之宰去 物者與凡失財用物碎名者宰夫得以來其出入詔家 知其法考之名亦詳乎案宰夫之職有能足用長財善 考嚴成則歲考之也既逆其治而聽其會又考其會而 送奉吏之治而聽會計則用財不至於喻法以參互考 既有以詔其誅賞之小者司會又有以詔其廢置之大 日成則日考之也以月要考月成則月考之也以歲會 分治不至於曠官掌百物財用在書契版圖者之貳以

會則以逆職歲之出職歲則掌歲出之數以待會計及 田野六畜夫家之數山林數澤之數無不知馬以逆詔 用則必考于司會三歲則大計吏治而民財器械之 而周知百物之出入財幣之餘則使入于職幣財用之 命以受稅法以入要貳以考邦治無不掌馬司書會計 者則其致謹於財可知也司書為司會之貳掌其版圖 又こうこれ ここう 會則以賛司會之送一出一入不總之以一職而以 一書又可謂詳密矣職內則掌賦入之數以逆賦用及 遭經會元

官職之是以出入相考也職幣一官乃掌幣餘之賦者 司會為會官長乃有中大夫二人下大夫四人掌財何 事皆會可知矣此則成周會財之官然也然合掌財之 金灰四库全書 而歲終亦會其財產以二官而繼於計官之列則其細 裘何與於會計而歲終且會其表事掌沒何與於財用 官與會財之官考之太府為財官長僅有下大夫二 也歲終則會其出凡邦之會事以式法替之是雖式貢 餘財既會之而有餘復會之而不妄費也不特此爾司

冢宰以九式節財以歲終制用司會又不得以欺之也 得以行於諸府之中又況可會等職皆職之於天官而 欺也今也以尊而臨卑以多而制象則斜察鉤考之 非不惟無以過人主之縱欲而且不足以防有司之姦 之官鉤考掌財用財之吏茍其權不足以相制而為太 府者反得以勢臨之則將聽命之不暇又安敢校其是 入者其事易持法以校出入之虚實者其事難以會計

其卑且寡會財何其尊且多也盖分職以受貨賄之出

農循內府之道也少府為天子之私藏本名少府後為 府猶玉府蓋司農給公家之公用始名內史後改為司 謂外府為司農玉府內府為少府愚謂司農猶內府少 在出財不在領財而在會計觀此亦可見矣鄭氏乃謂 國計安得而不裕哉故曰成周理財之法不在取財而 掌之以下大夫之太府計之以中大夫之司會又臨之 以上御之冢宰如此則財安得而不均用安得而不節 太府若漢司農職內若漢少府司會若漢尚書前輩則

|欽定匹庫全書

次定四軍全書 為漢丞相而不知一處錢穀之出入謂之責治累內史 會計之故三司只設副使而以三司使為長雖别設官 以相稽考然已是三司屬官亦非成周設官之意甚至 用之利盡歸鹽鐵使凡財賦之入盡歸户部而度支則 少內猶玉府之遗也尚書即是少府屬官即非司會之 財則其勢必有所不行者矣至唐置三司使凡財賦國 此官不復置主會計者特其屬官以屬官而會長官之 比獨高帝時以張蒼為計相此可比司會耳蒼旣罷而 禮經會元

丙府俱比漢少府而謂二府之財皆為天子之內帑叶 先儒以職內比漢少府而謂職內之財為天子之內於 制司會則理財之法庶乎有可得而論者 為唐宰相而曰陳調兵食非宰相事請能度支歸有司 吁豈有待邦之移用者而可以為私藏乎後人以玉府 是宣太府司會兼屬冢宰之意乎讀周禮者知太府之 可以統諸府知司會之可以臨太府又知太宰之可以 内帑

之本而共賜予之末也且以周禮考之太府則曰幣餘 而後已必不以貢賦之公而給玩好之私必不以貨賄 故以玉府為天子之內都而內府不預馬盖先王先民 數內府乃言掌受九貢九賦九功之貨賄此豈天子之 宣有待邦之大用者而亦可以為私費乎夫天子以大 私財謂職內為內都固不可謂內府為內都亦不可愚 分而況職內乃言掌邦之賦入以貳官府都鄙財入之 下為一家財本不可有公私之異都本不可有內外之 禮經拿元

器則掌之金玉兵器文織良貨賄之物則藏之至於王 知不以大用小用之餘財而共之飲今觀玉府所掌王 以餘財而共用也內府外府固亦供好賜予之財用安 佩服之玉則共之諸侯相會之玉則共之王之無衣褻 則入齊於職幣泉府歲終則會其出入而納其餘是皆 日凡上之賜予以致與職幣受之中車會車出入處終 財者之幣振掌事者之餘財以詔上小用賜予職歲則 之賦以待賜予式貢餘財以共玩好職幣則曰敛凡用

金定四庫全書

以之而供玩好賜予之用何傷乎又況太府總乎其前 賦于玉府是以九職九賦之物然只是野之所入則他 人之漁征則入于玉府堡人之皮角筋骨則入于玉府 有好賜則共其貨賄玉府所掌則如是所供者如是此 司會計乎其後上馬又有太宰以臨之則財雖私而實 處九功九賦不入玉府可知矣玉府之所入者如此則 澤人之國澤財物則入于玉府有如遂師言入野職野 其為天子之私藏乎獸人之皮毛筋骨則入于玉府漁 · . 堂里 ないし

之玉府亦藏之何也蓋內府以給公用玉府以為私藏 歲所入足支一歲之用一旦事起於非常變生於不測 良内府既受之玉府亦職之兵器金玉之獻內府既 職歲與官府財用之出而叙其財以待邦之移用以職 有內府公用之常而又有玉府私藏之積無事之時 将何以佐用度之不足者哉此玉府之藏又将為內府 公帑雖內而猶外也然玉府掌金玉固也兵器貨賄之 副非特為玩好賜予用也且以職内觀之及會則必

隆奏曰武庫兵器大下公用皆度大司農錢大司農錢 私藏為公用以內都為外費此美意也況少府外朝之 雖乘與不以給共養共養勞費以出少府是不以本歲 而移用矣漢初猶有古意以大司農給國家之公用以 年費四十萬大司農錢盡乃以少府禁錢續之是循以 給末用不以兵力共浮費元帝世賈捐之言暴師未 少府給天子之共養當觀哀帝發武庫兵送董賢母將 内且紋官府之餘財以待餘用則知玉府之藏亦可得 私藏至楊炎請出內都以歸有可議者是之未幾盧把 之求取乃悉歸之大盈後庫是以天下公賦而為天子 靈之君每嘆天子無私財而開鴻都賣爵以為私藏矣 和以來不能堪此送於宮中自立一監命奄人主之桓 也然宫中私用一切於司農取之而司農不應其求音 預之弊尤良法也東漢始出少府錢屬之司農非不可 臣而得主內廷之物故官掖無擅用之私而本官無干 **唐始以財賦歸左藏非不可也及第五琦不能禁豪將**

欽定匹庫全書

天子富有四海的一切限制之而玩好賜予之費不得行 欠正可戶 白馬丁 猶疑其如德宗受裝延齡之敢罔如漢靈帝之置私庫 玉府為王之內爷而內府不預馬又誠知內府為王之 則其勢必有所不便利歸公上權在一人尚一切私有 不亦過平 之而經常用度之費不得預則其情必有所不安誠知 公都而玉府實佐馬則可與語周官之法度矣而或者 一用而瓊林大盈掩為已蓄而命官者主之矣夫尊為 禮經會元

為貨賄同也今外府惟日掌邦布之出入以供百物百 是壓人所斂司市 金少四月石十 知此布從何入乎考之泉府亦掌布者也泉布之布 賓客喪紀會同軍旅之財用幣 齊賜予財用皆用布 官公用之有法者用布王后世子之衣服則用布祭祀 内府與外府並立內府待邦大用外府待邦小用宜 總布質人 錢幣 治質劑者之質布市官罰犯令者之 介次思次所税之紋布 肆長所税

泉流於泉布於布矣泉取其流布取其布故司市口以 然此特言布之入也而周人作布之法果能為之數案 何以待邦用或者九賦之中有入泉者乃入於外府數 九功之所入或者載師所欽定不毛之里布問師所欽 漢志言太公為周立九府園法錢園面方輕重一銖故 ていてい ノニア 民無職者之夫布而藏之以待小用數此等所入無幾 廛人征邸舍者之廛布入馬泉府謂以市之征布飲 /滞於民者是也外府掌布以待用不言九賦九貢 遭經會元

五此法九府園轉而周家君民通用軟然此特言布之 錢以饒民數且夫行布以阜貧而行貨不逼則布之用 更鑄大錢單穆公曰古者天降災属於是乎量齎幣權 商贾阜貨而行布布者欲其流布行使也豈非太公始 市亦日山荒礼喪市無征而作布豈非民乏物貴乃鑄 輕重以放民夫幣以天災而作是持權宜之制爾故可 始而周人作布之意又果何謂歎案景王二十一年将 窮作布以濟民而作民不乏則布之利輕令外府掌布

金克匹庫全書

或輕或重鑄錢之數或多或寡而國家經費或有餘或 雖曰以共百物以待邦用而實小用則給之是以質疏 小用爾何後世轉倚之而待邦之大用也故曰以泉布 得而不困哉漢唐以來鑄錢之令或寬或嚴鑄錢之 用而所賴於泉者輕後世凡百所用一出於錢則泉安 則取於餘府是以古人邦用凡貨賄布泉皆可以助邦 亦云外府所納泉布所積旣少而小用則給之若大用 とこうら 不足動皆以錢為虛實曾不知周人外府之布特以共 禮經命元

之幣可以貿易亦名為布則與泉布相為流通行使者 毛者出里布鄭司農曰里布者布参印書廣二寸長二 而佐邦之小用則泉布常見其有餘以泉布而供邦之 奏印書之布又以輔泉布之貿易然鄭司農不於泉府 尺以為幣貿易物案康成之說布即泉爾然布參印書 外府等官言之特於里布而及此則是古之為參印書 大用則泉布常見其不足抑當因是而考之載師完不 也殆今之所謂楮幣歌夫泉布以輔貨則之流行

之大用則其資於參印書之布又輕也周禮一書但言 識古人作布之意哉 及布後世動以格幣為大計於是有錢楮輕重之議官 者以與屋里之民而使之貿易耳古人不以泉布待邦

久三可豆 心之了

禮經會元

九

			ar was		==1
禮經會元卷二上		1			金灰四月月十三
<u></u>					卷二上
	·				

而達之於朝廷表者之位自朝廷表者之近而達於鄉 體而大臣無所不統也蓋天下之治自閨門在席之微 惟及王寢而王宫之政亦屬馬此見宫中府中合為一 欽定四庫全書 王宫之政得與馬不惟統王宫而王寂之政亦及馬不 太宰佐王統百官者也而其分職率屬不惟統王朝而 禮經會元卷二下 内政 紫時

久足四年 小号

禮經倉元

内人之稍食稽其功事必無冗食之人佐后而獻功者 禁令于北宫而糾其守則后宫之守衛嚴矣歲中則會 均其稍食而使居之正歲則又均其稍食稽其功事憲 中官府形象之圖分官吏子弟之人與奄奚胥徒之民 令致謹乎今以内容考之掌宫中閣寺子弟之版與宫 人自正夫婦始成王周公之守家法其可不於王内政 者文王造周由兄弟而家邦自刑寡妻始由邦國而鄉 田井牧之間未有內不理而外能順家不齊而國自治

客之事嚴矣上春則詔王后帥六官之人而生種程之 之禮事而王后祭祀之事嚴矣凡賓客后當亞獻則替 種而獻之于王地官舍人共之則后宫重農勸耕之禮 而韶其薦徽之禮與樂相應之儀又贊九嬪左右薦徹 裸獻瑤爵致后所致諸侯來朝與賓客之禮而王后賓 大祭祀后當裸獻則替瑶爵正后副禕之服房户之位 夫人以下之財用又從而會計之則后官之會計嚴矣 比其小大廳良而賞罰之必無廢功之職至於內官自 禮經會元

食分其人民二則日會其稍食稽其功事三則日均其 内宰以之而佐后皆太军之所以治府者今内军以之 稍食施其功事無浮食也內宰以下大夫二人而佐王 其奇哀無邪行也長其功緒無感事也一則曰均其稍 乎禮以婦職之法教九御則后官之人無不共其職禁 而理官又況以陰禮教六官九嬪則后官之人無不由 后官親蠶示孝之禮行矣凡此皆王之所以治國者今 行矣仲春韶后帥外内命婦始蠶于北郊以為祭服而

治內之政如此家法其有不齊乎不特此耳內小臣堂 士人為之內以奄奚為之以內外之不相混官庭之不 密矣王有太祝后亦有女祝王有太史后亦有女史王 有可服后亦有內可服王有弁師后亦有追師特外以 内人女宫之戒令相導其出入而糾之則宫庭之糾察 門之禁樂其出入以時啓閉則官人之禁嚴矣寺人掌 ·掌外内通令凡小事則猶王之小臣也閣人掌王宫中 后食正其服位后出入則前驅則猶王之太僕也內豎 ここうし こう 風 理経舎も

節也此最人主奢儉所繫后官風化所屬非士人為之 客雜處也以至典婦功絲泉三官此后宫女功事也亦 立三公九卿二十七大夫八十一元士后亦立三夫人 官此后宫服飾事也亦用士人為之是以外人而治服 日之於月陽之於陰相須而後成者也是故古者天子 則害國政矣大抵王后均體者也王聽男教后聽婦順 王理陽道后治陰德王聽外治后聽內職王之於后如 用士人為之是以外人而稽女功也染人追師倭人こ

官職宜也九嬪循派即也分職率屬其任為重內宰既 教進之以時責之以功則列屋而望幸負龍而争好安 是齊家之道無以異於治國也是以王之三公論道經 一歲時而獻功事朝夕侍御於王最親近者的不嚴之以 以婦職之法教九卿九嬪又以婦學之法教九御蓋一 邦官不必備惟其人則后之三夫人亦坐而論婦禮無 嬪統九御九九則八十一御矣女御以時而御王所以 九嬪二十七世婦八十一御妻理内之職與治外同則 聖性合う

官之官不虚設由后而觀則后官之職不徒分成周齊 盛餐食之事而亦謂之世婦果何義哉由前而觀則后 謂世婦不言數君子不肯於色有德則充無則關是也 · 好好之禮法素間習矣夫故不待内宰九婚教之鄭氏 家之道亦可縣見沉有統之以内宰臨之以太宰而又 事帥女官而准盛盛後女官而陳具羞職以婦言則於 不然則春官有世婦每宫御二人掌女宫宿戒亦預盛

金完四庫全書

能無異習邪世婦則猶大夫之職當祭祀賓客丧紀之

文定四車全書 又況夫人命婦過市司市且有其罰則內外未當相雜 財乃所以出其度量導制宣非為學言后如之本者乎 利也后宫者女功之本天下之所取法也内字陳其貨 大夫則使往以王后之貞潔而行諸侯卿大夫之交好 井之猥賤可乎内小臣后有好事于四方有好令于卿 后立市陳其貨賄出其度量淳制以官闡之嚴而預市 儀刑之以一人自然內和而家理矣或者則曰內宰佐 可乎不思建國之初面朝後市是王朝先義而后官後 禮經會元

宣內政之所宜親春官世婦卿也六官之師宣內宰之 所宜預不知内宰之屬有內小臣奄士奄人也內宰之 亦何嫌於致好平或者又曰内字小大夫也九嬪之教 · 臨于外寺人且師而在立乎其前則内外未 當相混也 后命而往也豈非卷耳言后妃之志者乎又況內人吊 天下之母羣臣之所仰望也小臣致其好事好令乃奉 禮子男來朝夫人致禮是王宫有致好之禮也王后者

也亦何嫌於立市乎案禮天子享諸侯有王后亞獻之

尚知周政王内之政不爾也況當成周城時成王周公 人聚妙嫉好讒巧敗國巷伯一詩所謂妻非見錦吃多 一 要之婚猶知歸咎於皇父卿士家伯惟宰之不得其 或者猶有不滿之論亦過矣周衰此政不行然詩人言 身為之而身行之家齊而國以治國治而天下以平尚 南箕者寺人孟子尚能言之蓋其家法相承耳目習熟 次足四年全十二 世婦之帥安知非奄女行之乎周人内政之詳如此而 教安知非奄人傳之乎世婦之吏有女府女史奄女也 禮經會元

			276	a de la constante	120		 Ten	•
,			!				何年	
			i ļ.				何以議為哉	:
•			! i				美	1
							哦」	
							Ry	4
							哉	
•								
			:					į
			1					
		!	!				2	
			:				卷二下	
							F	
			ı					
٠,								
٠.			ļ I					
		1						
:								
٠								
•								
	l 							
		Ĺ		L			 	
		··				No. of Lines	 the state of the state of	•



案鄭司農釋閣人中門之禁曰王有五門外曰奉門 官官人掌王六寝之脩宫人脩六寝為太幸屬官是 為内容之屬而統於太军是則后官之官與王朝相 掌之是則王朝之六御皆與聞乎六官之事矣 通也春秋世婦以鄉帥六宮內事有通於外者世婦 王寢與王朝宫相通也內官有內小臣寺人等官皆 王有六寝大寢小寢王后有六宫正宫一後宫五天 門制

一致定四庫全書

師氏居虎門左司王朝小宗伯縣衰冠於路門司士有 故曰畢此五門之義也考之周禮閣人掌守王宫中門 門言有所藏也維門取其文明也應門謂居此以應治 こう 也路門取其大也路門謂之畢門者言自外至此而果 康成日雉門二門也夫皐者遠也門最在外故日皐 日雉門三日庫門四日應門五日路門路門一 以路門左路門右太僕建路鼓于寢門外其餘曰踝宮 閣人 日守王門師氏虎貧曰詔居門太史 堂圣 入二 曰垂首服 日畢門

出在應門內則知王有應門記曰庫門天子皐門則知 名也治朝在路門之外王日眠朝故言路門為詳此天 為路門也虎門以其在王朝之後畫虎馬此路門之别 子二門之名見於周禮也鄭氏何以謂之五門書曰王 之中可知其為維門大寢門以其在寢門之前可知其 法于宫門太僕曰墨者使守門而已中門以其居五門 者說者謂南門則為應門以王者於應門向明而治故 王有皐門庫門故曰王有五門然周書又有所謂南門

一多定匹庫全書

魯莊公之喪既葬而経不入庫門家語記衛莊公易朝 詩考之乃立皐門乃立應門此古者諸侯之制檀亏曰 九足四軍全書 位則謂庫維路釋綿詩則謂卑應路其說自相違戾以 得以南門為應門也或曰南門維門也雜文明之物而 為六門者矣諸侯半天子之門則有三門鄭氏釋明堂 觀災安得以南門為雄門也如此則天子五門并南門 屬南方故曰南不思春秋書新作南門及書雄門及雨 日南不思書言王出在應門內又言逆子到于南門安 禮經會元

書之防僭越也況外朝在皐門之内而徇事弊訟於是 出馬觀望繁馬門而可踰則上下等級不復可限矣語 蓋古者營國必先立為門制以示尊卑名分定馬政令 乎入馬象魏在雉門之側而帥民觀象於是乎在馬治 稱邦君樹塞門記稱諸侯不臺門雉門南門之作春秋 新作南門於定公書新作維門此魯僭王門之制故書 則諸侯有皐門庫門應門為三門爾如春秋於僖公書 市孔子曰釋之於庫門之内失之矣合是三者而觀之一

久己日上 Mas 周人治内之政詳凡而設官分職皆以士大夫為之必 不尚矣 級又知門制所以通君臣之政令則知周人立門之制 重之勢而壯萬里之威者哉知門制所以嚴君臣之等 官者居馬雖王官者居馬閏月而詔王居馬豈特隆九 之内而路門之制司王朝者在馬達窮民者在馬衛王 朝在南門之内而王日眠事於是平出馬無朝在路門 奄官 禮經會元

司馬下腐刑各任安書引景監趙談等以為衛前望之 為刑人矣周禮掌戮曰墨者使守門劓者使守關官者 奏恭顯用事請能官官以合古不近刑人之義則是奄 朦腹修聲同當臣對文若以為刑人則國君不近刑人 閉也王金陵曰鄭氏謂奄為精氣閉藏者蓋因民之有 不得已而列在内庭供給內事者始用奄人奄之為言 沉於王乎若以為刑無罪之人則先王所不忍也愚案 疾而用之與懲除蒙璆風施直轉侏儒扶盧聲聵司火

人内豎之外用奄者凡二十九人其職不過酒人聚人 人果近刑人乎曰非也考之周禮天官之屬除關人寺 管不用刑人也奄者犯官刑漢之所謂官人也然則周 者十有二人其職不過春人舊人豪人而已春官之屬 遵人醢人鹽人幂人內司服縫人而已內小臣一職以 用奄者止八人其職不過守桃而已總三官而論之直 其掌后服位禮命故擇奄之賢士為之地官之屬用奄 使守內則者使守囿髡者使守積先王無絕人之心未

欽定匹庫全書 人 周之用奄人非酒鹽之微則春館之賤非戶庭之隱則 之徒且皆不得預下士之列獨內小臣一官言士爾成 之相近邪又況守礼則宗伯統之春人等則司徒統之 四十有九人耳而其下為之供給服役者皆不過女奚 桃廟之幽耳雖曰刑人何當一日得在君側而天子與 秋勃貂立公子無虧則奄人預廢立矣繆賢薦舍人随 大臣豈容有不正者得以風跡於其間哉周衰入于春 酒人等則太宰統之其職甲其数寡而又臨之以公卿

極莞付在人則刑人之用為有害士大夫彌維主閥沮 朝恩管神策兵吐突承难為招討使韓全義討淮西賈 南摇弄國杨而陳蕃竇武不得行則政杨歸奄人矣魚 甚弘恭石顯久典樞機而張堪蕭望之不得用曹節王 相 抑姦謀必曰天子不近刑人如曰奄人非刑人則天子 人矣古人以輿臺待奄人則刑人之用為無傷後世以 良國監其軍高崇文討蜀劉正亮監其軍則兵權歸奄 如則奄人預薦舉矣情勢怙龍竊權弄柄至漢唐為

ノ・ラー ニニー

豊怪舎も

前乎周官舜命契為司徒則曰散數五教後乎周官則 謂西頭勢重南衙樞機權重宰相尚何足怪也哉 司徒之教舍五者之外無他物考之周禮司徒曰掌形 矣故成王作周官亦曰司徒掌邦教敷五典擾兆民然 穆王命君牙為司徒則日弘數五典司徒之掌教典尚 得以親信之矣漢人所謂手挾王爵口含天憲唐人所 教典曰教典職曰教職象曰教象法曰教法官曰教官

敏定匹庫全書

| 決定四車全書 曰三物之教曰五禮六樂之教云爾豈司徒所掌之教 職大半皆土地封疆之政所謂教者亦曰惟十有二教 該可教六七人而已何以謂之教官之屬又觀司徒之 至豪人皆掌倉廩禄食所謂教官者不過師氏保氏司 畜牧之官自戴師至均人皆貨賄賦斂之官自司市至 掌節皆掌關市自庫人至場人皆掌田野山澤自原人 長自遂師至鄰長皆鄉遂之官自封人至充人皆疆場 之屬意其為教出此也今觀其屬則不然自鄉師至此 禮經會元

徒教民必先有以得地利而後可以淑人心旣有以淑 無恒心先王不先制民之産以叔民之心而欲以言語 也以土宜辨十有二土宅民居也以土宜辨十有二壤 文字誦說傳授者為教徒善豈足以為政哉故當謂司 之則司徒之教可知矣蓋有恒産者有恒心無恒產者 人心而後可以全天理以五會辨五地之物生順民物 繼之日因此五物者民之常而施十有二教馬以此推 僅止於此邪詳考其職先曰以土會之法辨五物之地

所以厚其俗如是則人心可淑矣人心旣淑則生厚而 乎合五家為比使之相保至五州為鄉使之相實所以 而造都鄙之地域建田畴也如是則地利可得矣地利 景求地中定民極也外而制邦國之封疆正畿封也外 不為物遷性静而不為物動然後十二教可以施鄉三 聯其比居又領職事十有二于邦國都鄙使以登萬民 既得則惟土物爱者殿心藏安上敦仁者故能爱於是 教稼穑也以土均辨五物九等均地征也以土主测日

少是四車全事

禮經會元

19

是而猶有不率教之民則以鄉八刑而糾之又有不服 錯而並施也故司徒之職曰掌邦教以佐王安擾邦國 先後不一以見教民之時而使民相生相爱之具實象 以過人欲而存天理也然考司徒一職雖其係目布置 教而與微訟者則聽而斷之歸于司寇士師之官是又 敷而自敬五典不待敷而自和天理宣有不全者乎若 教之和正月教象可以使之並觀矣如此則五教不待 物可以放五禮可以防偽而教之中六樂可以防情 金少しんとこ

教民之根本飲案小司徒之職口掌建邦之教法以稽 土地之圖知地域廣輪之數辨其名物又曰辨邦國都 徒所以佐王安擾邦國者其在土地人民中數又曰以 又曰掌土地之圖人民之數以佐王安擾邦國豈非司 國中四郊都鄙夫家九比之數曰教法而必稽夫家九 鄙之畿疆設社稷之壝而樹之田主是數者宣非司徒 整頓田疇分畫郊里征敏賦役掌管山川紀綱門市高 **比之數是其為教亦不出乎此矣其餘六十官屬雖曰**

豊性から

九

聽其相刃相靡而無以導其爱物之善人欲横流而天 **豬倉廪而先王之教已流行乎其中豈特倚師保六七** 不可以善人之心上為文具下為觀美相與為欺而已 之有司謂是足以塞吾教職之責雖可以善人之形而 理晦蝕矣君臣之間方以化民成俗為學校之事而付 不明民極不立聽其自生自養而無以保其安土之仁 孟子言王道之始無非因民之常而施教也後世王制 人而已哉大抵先王教民自田野始幽詩言風化之由

發定匹庫全書

老二下り

天下之本所以觀萬國而示儀總八方而為極也人知 無以司徒教民之意告之者 知所止則先後遠近於是取中而不敢有過不及也聖 有極則東西南北於是乎求中而不容有所偏倚也人 詩曰商邑翼翼四方之極邦畿千里維民所止蓋王畿 及陷乎罪從而刑之以為是弗率教者是因民也惜乎 人為民立極立中道以為標準可不於王畿千里之地 王畿

豊宝多し

其為東矣地近東則多風日景如朝之時則知其為西 主則知其為北矣地近北則多寒日景如夕之時則知 短而不満則知其為南矣地近南則多暑日景長而過 其土地之深然後立土主馬土圭之制尺有五寸日景 日至期其長短得中也古人立土主以測日景必先測 寒暑風陰必度其中測其土深欲其浅深得中也正以 而先正其本乎是故司徒建國必求地中測之以土主 正之以日景南北東西必換其中朝夕長短必眠其中

金定匹庫全書

決定四車全書 禮經會元 者承上文爾鄭司農惑於地中之說謂今顏川陽城地 未必合周人之制其求為中則一也至於建諸侯邦國 其中置熟以視其正畫奏諸日景夜考諸極星匠人雖 萬國阜安乃建王國馬不特此爾匠人建國水地以取 既得其中則天地合而四時交風雨會而陰陽和然則! 之極也日至之景尺有五寸則與土主等兵是謂地中 |美地近西則多陰土主致日之法當以冬夏以其短長 則以土主土其地而制其城亦以求邦國之中不言中

玉人亦曰土主尺有五寸以致日以土地則是王畿之 方氏掌土主之法以土地相宅而建邦國都鄙考工記 案春官典瑞掌土主以致四時封國則以土地夏官上 中周人胡不都陽城邪若專以王畿為地中則侯國皆 · 鶴果為不中乎而況陽城之地去洛亦遠此果謂之土 其四方朝貢道里均爾如以洛為土中然後建國則豐 為然彼徒見周人管洛謂之土中不知洛書為中乃取 不中矣天地四時果不交合乎陰陽風雨果不和會乎

特建國為然也辨方正位則方位之中有中體國經野 成輔相天地之道亦宣有一方而不中邪中之為道不 求其中爾天地陰陽之氣豈以一方而遂窮邪聖人財 外邦國都鄙無不以土主求地中盖中在天地間不容 少定四年全書 有一國之中天下有天下之中先王建國亦隨其地而 以定名也以一家觀之一廳則有一廳之中一室則有 則國野之中有中設官分職則官職之中有中王畿之 一室之中中無往而不在也故一家有一家之中一 禮經會元 國

|內無一而不為中也不然則周官六典之首何以總謂 之以為民極也飲 金りてノノニー 爾自中國而郊野為六鄉逐十五萬家所受之田其 据載師所任之地約而為圖器以見王畿千里之制 說亦非王畿千里有國中郊野鄉逐都鄙之别今只 制又異又杜子春云五十里為近郊百里為遠郊其 案鄭氏注引司馬法謂王國百里為郊二百里為州 三百里為野四百里為縣五百里為都其名不同其

	T			
文 d つ iot な mio			-	餘則
				為載師
				所任
建經會元				餘則為載師所任之田矣
** th		,		

AND DESCRIPTION OF THE PERSON NAMED IN

T W 70 W 100

畿十里之圖

大司馬曰以九畿之籍施邦國之政職王畿千里自其

百里似與尚書五服五千之制不同然細考之先之五 者以服事天子而言也王畿千里之外九畿有四千五 自其外方五百里曰侯服至其外方五百里曰蕃服服 限制能疆言之也職方氏日辨九服之邦國王畿千里 外方五百里日侯畿自其外方五百里日蕃畿畿者以

服本二千五百里一服各弱以五百里凡二千五百里

久色日年 红白

禮經會元

合王畿十里之内九十三國而言共一千七百七十三 鼓曰弼成五服至於五十至周人分為九服堯之百里 千里一州二百一十國八州八千里几千六百八十國 大上字之言不足信矣夫四海之內方千里者九州方 男邦今為男服百里米今為采服二百里武衛今為衛 此見地域廣俠自唐虞以來未有大異漢儒謂周公斤 則異故九服合王畿而言之與尚書特差五百里爾以 服百里蜜今為蠻服百里夷今為夷服其名雖存其制

州之地合九千里若以相距言之則四千五百里爾以 書比周禮以直計之案安國釋五千之說以為兩面相 若是則九州之内只容六服通王畿僅四千里尚書之 距此乃漢儒之說王制漢儒所作以一州之地言之九 五服何以謂之五千王制之九州何以謂之九千蓋尚 服特要東之耳夷鎮番三服謂之番國乃在九州之外 五百里侯服至要服乃在九州之内變靈曰要是此一 國而附庸之國不與馬大行人則曰邦畿千里自其外

· 飲定四車全書 ~ 禮經會元

七十里子男五十里與武成列爵惟五分土惟三之制 周封國之制可得開飲案王制孟子皆言公侯百里 侯之聽命正言五服爾然此特言九州九服之制而成 成教諸侯之助祭洛語稱諸侯之和會康王之語陳諸 德又曰六年五服一朝言五服則要服亦不常是以武 |州之外不可以中國之法 絕之書曰六服羣辟罔不承 外矣三服在外非是純不屬九州以其在外地故曰九 王畿九服直計之凡五千五百里則六服在內三服在 伯

老二下

武成周禮自有明文第說者不察爾王制曰公侯皆方 ·或以為夏商周異制儒者常辨之矣然此在王制五子 紛紛或以為附庸或以為斥大上字或以為開方里數 子百里則百男凡五等也與王制孟子武成不同漢儒 公方四百里則六侯三百里則七伯二百里則二十五 里子二百里男百里職方氏曰封公以方五百里則四 百里孟子曰公侯地方百里伯子男皆以是差等蓋王 同今考之周禮大司徒曰公五百里侯四百里伯三百

炎足四車全書

禮經會元

言則五百里至諸男之地以封疆言則百里是以封疆 田食禄則五十里而已如今之郡縣大小各有差而俸 田食禄則百里而已侯伯封疆雖四百里三百里而受 所至之地言之故有五等也公之封疆雖五百里而受 制言王者之制禄爵故以分田制禄言孟子言周室之 田食禄則七十里而已子男封疆雖二百里百里而受 亦以分土制禄言之也周禮則不然諸公之地以封疆 班爵禄故以分地制禄言武成以分上對列爵言之是

所以不同數曰封疆者合山林川澤宫室涂巷所占之 正之也小國貢輕字之也如司熟凡須賞地三之一食 其一子男之地自食其三王食其一鄭氏曰大國貢重 地言之也日食者此合封疆所出之稅而王食其貢如 所食之禄也以封疆言則五等以食禄言則三等此其 秋乃其禄也又如今之食色多原各有數而實封乃其 也公之地王與公各食其半侯伯之地自食其二王食 九貢致邦國之用山師川師致山林川澤珍異之物是 ここうこと ここう 置生をし

之所食者亦有三等也且如大司馬曰大國三軍次國 王制孟子以公侯為一等周禮以侯伯為一等用各不 居上等侯伯中等子男下等皇於食以之制不然乎但 之服子男之服則作服亦三等司儀擯相之禮亦曰公 鄭氏謂王食其一二入於臣亦此例也以其食者觀之 伯七命子男五命則受命亦三等司服有公之服侯伯 二軍小國一軍則是制軍亦三等典命曰上公九命侯 日食者半日食者三之一日食者四之一是則合封疆

金克匹库全書

老二下了

二國計二萬一千五百里總言那國千里者謂千里之 百里與同數亦差何必改七字為十一字案此百四十 |後與王制二百一十國之制不同小鄭氏附庸之說以 謂四公六侯七伯二十五子百男之封凡百四十二國 則與封公五百里之數不合侯四百里伯三百里子二 百同為圖百里封男則百里百同足矣如公二十五同 同爾王制孟子在周禮後當以周禮為正然職方氏所

地提而封之可以封此五等侯國言千里者以直計之

こうこ

里而言非謂一州僅百四十二國也若謂邦國千里之 之豈止二萬一千五百里哉王制言封二百一十國是 金定四庫全書 地不足以封五等侯國則王制一州千里之地又安得 言五百里四百里至百里者以四面封疆言之百四十 可以為知天下封疆之數矣然此亦言五等三等之制 二百一十國也故下文曰以周知天下言以此數推之 一國以二千里之地封之若以千里合四面提封而 州千里而言周禮言封百四十二國是以邦國千 卷二十十 計

次定四車全書 王設其牧形方氏曰使小國事大國大國比小國先王 海咸建五長之意同考之周禮司職曰建牧立長以維 一十國以為州州有伯此與尚書州十有二師外海四 建國必為是相維相比之制蓋有以維之則小大相統 有長十國以為連連有帥三十國以為卒卒有正二百 可以潛消其姦免之謀有以比之則小大相承可以陰 邦國比小事大以和邦國職方氏曰凡邦國小大相維 而成周封國之意可得聞軟案王制曰五國以為屬屬 禮經會元

周禮致太平之書井田太平之紀綱也不井田則不可 徒日封建私也都縣公也豈不緣哉 殭陵弱衆暴寡此此有 馬後世不考其制不原其意而 弭其憑陵之患惜乎先王建國之意至春秋掃地矣而 以行周公之道用周禮者可不先明井田之制乎然制 度明則井田可以行議論定則井田可以復今考鄭註 分畫殆有異同是豈先王制度或有不同數何先儒 井田

司徒日九夫為井四井為邑四邑為丘四丘為甸四旬 家二百晦再易之地家三百晦此言都鄙之田制也小 論自為不一也大司徒曰不易之地家百晦一易之地 百晦菜百晦餘夫亦如之下地夫一屋田百晦菜二百 夫一廛田百晦菜五十晦餘夫亦如之中地夫一廛田 為縣四縣為都此泛言經土地而井牧田野爾鄭氏則 欠足四年全書 题 晦餘夫亦如之此言 辨野之土以頒田里也大司馬曰 日此謂造都鄙也采地制井田異於鄉遂遂人曰上地 禮經愈元

言凡令賦以地與民之制爾鄭氏則曰令邦國之城亦 制尚如六鄉而都鄙之田制獨與六遂異乎田謂之井 也鄭氏亦曰此畿內采地之制采地制井田異於鄉遂 則通天下皆井矣井邑丘乘縣都之制無往不同井方 夫并牧之制通夫天下可也如鄭氏之說則邦國之田 血九夫為井十里為成百里為同此言溝遂血會之制 以地之美惡民之多寡為制如六遂矣至於匠人為溝

上地食者三之二中地食者半下地食者三之一此泛

金グロスイン

邑至縣而都欲其聯不可稽也經野不殊乎九夫度地 敬縣方二百五十六里二十三百有四夫受田二十三 不離乎三等受田不過乎百畝此井田之定制也大司 田九十二萬一千六百畝中為公田之數在內自井而 萬四百畝都方一千二十有四里九千二百十六夫受 一畝旬方六十四里五百七十六夫受田五萬七千六百 千六百畝丘方十六里百四十四夫受田萬四千四百 里凡九夫受田九百晦邑方四里三十六夫受田三

てたうらしたう

遭經會元

邑通行矣合而觀之都鄙不易之地即上地一易之地 是也國中四郊都鄙同是夫家九比之數則是鄉遂采 1種國中四郊都都之夫家九比之數先鄭謂九夫為井 白令賦則舉鄉以見遂也匠人曰溝洫則舉內外並言 內以見外也遂人曰辨野之土則舉遂以見鄉也司馬 徒曰造都鄙則舉外以見内也小司徒曰經土地則舉 即中地再易之地即下地特遂人於来邑加來五十畝 也鄭氏何見而分都鄙鄉遂之異乎況小司徒明言以

金克四月全十二

卷1二十

中地家六人可任者二家五人下地家五人可任者家 越爾此一夫受田之制然也然一夫受田百畝遂人言 地三百畝而食者三之一則亦百畝 爾而質則一夫 百 三之二則百畝爾中地二百畝而食者半則百畝爾下 **數有不同而大司馬言其所食上地百五十畝而食者** 又三日三 1.11 則必授之以田小司徒言上地家七人可任者家三人 餘夫亦如之則受田之數不已多乎蓋古者用民之力 逐之上地有不如采地爾雖曰百畝二百畝三百畝 惶經舎も

之所并牧者六鄉之田遂人之所辨治者六遂之田自 以下圭田五十畝餘夫則二十五畝與遂人餘夫受田 田矣遂人曰以殭予任此謂餘夫殭有力者則予之田 登五人以上則為家其餘夫則上家三人中家合五人 百畝之制不同此餘大受田之制然也說者謂小司徒 而任其力是也孟子所謂餘夫二十五畝此乃言自卿 二人大司馬言可用者亦如之凡一夫一婦則為夫家 下家一人可任用者故必授之以田不可任用則不受

金月四月全十

地鄉遂止有十五萬家自十五萬夫及餘夫受田之外 其餘則為七等之田亦奚有不足者是以致仕者其家 等之田果何所授乎蓋自國中而至遠郊皆為鄉遂之 所受田則曰宅田仕有禄者受田如圭田則曰士田賈 地近郊遠郊皆六鄉之民民皆計夫而受田矣則此七 士田賈田任近郊之地官田牛田賞田牧田任遠郊之 大都之田任甸稍縣置之地是也考之載師又有宅田 鄉遂之外則為都邑之田如載師所謂公邑家邑小都

钦定四車全書 禮經會元

師七等受田之制然也孟子曰仁政自經界始經界旣 賦遂人之須田里而繼曰須職作事以令貢賦載師之 正分田制禄可坐而定是故大司徒之造都鄙而繼曰 飼馬者曰牧田公御大夫有功而受賞者曰賞田此載 田則曰官田田賦所出以飼牛者曰牛田田賦所出以 人在市其家所受田則曰買田庶人在官者其家所受 分地職制地貢小司徒之經土地而繼曰任地事令貢 地事授地職亦必辨任土之征蓋經野以分田則

自りで

人百畝而徹徹之為言通也蓋與貢助之法通行也鄭 · 育者使耕其田而自輸其稅如孟子所謂什一使自賦 次是四年全十 惟貢助之法少異爾案孟子曰請野九一而助國中什 與孟子不合不知成周鄉遂都鄙邦國井牧之制本同 也助者借民力以耕公田而公取其稅如孟子所謂九 足賦以制禄也然夏后氏五十而貢殷人七十而助周 氏於匠人之註則曰周制畿內用貢法邦國用助法夫 一而助也鄭氏以畿内為用貢法以邦國為用助法乃 禮經會元

政使之九一而助其栗則聚於旅師貢與助法通行故 同養公田此言助有公田也周詩云雨我公田遂及我 法乎方里而井井九百畝其中為公田八家皆私百畝 逐用助法矣蓋六鄉於王畿為近而皆君子故使之什 私又曰駿發爾私終三十里田有公私之别則其為助 曰百畝而徹貢助並行鄉遂異制烏可以畿內獨用貢 自賦其果則藏於倉人六遂於王畿為遠而皆野人 使自賦國中言鄉野言遂也分而言之是鄉用貢法

金グロガノニー

師日掌聚野之勘栗謂公田所收之栗也田野者是逐 為而曰邦國獨用助法乎愚案載師所入八等之地問 出九夫之栗稅則是惟助為有公田而行於六遂矣何 為助法明矣鄭氏既以鋤栗為民相助作一井之中所 也里宰口以歲時合耦于勘謂合衆力耦耕公田也旅 師縣師所任之賦則是用貢法矣蓋園屋二十稅一近 人所掌邦之野也助之一字惟見於六送之官是六遂 可知矣故遂人曰以興助利此謂與起衆民共治公田 聖空命元

有人在官者已食禄牛田牧田以共畜牧者之食故比 郊十一遠郊二十而三旬稍縣都無過十二添林二十 近郊差重也旬稍縣都十二者以其公卿大夫與王子 而五鄭氏以為輕近而重遠非也國宅無征以其無地 無田穀也重漆林者以其非田穀也稅有遠近輕重少 第食色米色之所貢故視遠郊為重也輕園屋者以其 田以有市征所以輕也達郊二十而三者官田賞田以 可耕也近郊十一者宅田以優致仕士田以當世禄賈

一致定匹庫全書

卷二下

孟子請野九一而助國中什一使自賦者意者貢法至 戰國而壞助法亦不復存故龍子曰治地莫善於助莫 後世所謂貢者校數歲之中以為常而於凶年取盈乎 持有見於此也故地官司稼掌巡邦野之稼以年之上 鄭氏註匠人謂以載師論之周制幾內用夏之貢法是 下出飯法則是於邦野貢法亦必隨歲而為輕重宣若 不同故載師立為定額使之自貢而問師縣師征之爾 不善於貢當時惟以貢法專行而人思助法之善此孟

ていうこ ここう

豊坐育し

問有若以年餘用不足而有若對以盍徹乎哀公則曰 之别蓋自春秋以來宣公初稅畝而公田之法壞矣左 已不復行沉戰國暴君污吏乎故孟子謂貢法未可盡 又取私畝而稅之則是什而二之也春秋讓之至良公 氏日殼出不過籍公羊曰古者什一而籍穀梁曰古者 子所以為救時之論而欲貢助通行也故有國中野外 二吾猶不足如之何其徹也是自宣公以來周之徹法 公田則是井田皆為公田亦明矣宣公旣取公田之稅

多定匹庫全書

卷十二十

制否則議論不定制度不明其何以行之哉 內乎然則欲行周公之道者必先破鄭氏之說而後可 次定四車全書 人 以行貢助之法必先原孟子之意而後可以行并收之 法邦國用助法是宣助法可行於邦國而不可行於畿 周公受田之制也鄭氏不明此意反謂周人畿內用貢 什一使自賦所以待國中之君子此孟子救時之論亦 **廢而助法不可不行請野九一而助所以寬野人國中** 案鄭氏以井邑丘甸縣都之制為造都鄙其說已非 禮經會元 1114111

棋局然今畫此圖亦姑以存其大縣耳 形南北東西多寡不同萬下亦異豈能一一方平如 是推之鄭氏旁加之說則求合司馬法爾然天下地 邑邑當四里丘當十六里旬當六十四里縣都皆以 十里為一成家孟子方里而井井方一里則四井為 又云邑方二里丘方四里向方八里旁加一里則方 次足四年在 井邑丘甸圖 Ĺ 禮經會元

之不及也散利貨種食也海征輕稅賦也緩刑寬刑罰 皆禮殺古禮也殺哀節凶禮也豁樂徹樂而她縣也多 之荒政以聚萬民所以叔天時之不常而濟地利人和 利有所不能殖人和有所不足恃聖人有憂之是故為 大司徒之於民既庶而又富之可謂得地利矣既富而 也弛力息繇役也含禁山澤無禁也去辨關市無幾也 又教之可謂得人和矣然而天時不常水早為珍則地 荒政

征緩刑其奉奉於聚民可謂至矣而其存恤賑救之意 為民又曰大荒大禮則令邦國移民通財舍禁弛力薄 散而之四方矣民安得而聚哉周人以荒政十有二聚 不有以賑我之不有以存恤之則老弱轉乎溝壑壮者 良民安也蓋天災國家代有歲凶年穀不登上之人尚 又散見於六屬之中鄉師以歲時期萬民之艱阨以王 唇殺禮而多昏也索鬼神而為凶年禱也除盜賊而使 こううしい 命施惠司救凡歲時有天患民病則以王命施惠司稼! 豊極舎元

香禮也大司樂大荒大哉令犯縣即荒政之蕃樂也士 均人凶礼則無力征無財賦即荒政之弛力也廪人若 政之去發也司徒救荒故言去幾可關學暴故言猶幾 則均萬民之食而賙其急而平其與即荒政之散利也 師若邦凶荒則今移民通財糾守緩刑朝士若邦凶荒 則不舉掌客凶荒則殺禮司服大荒則素服即荒政之 司市凶荒則市無在司關國凶荒則無關門之征即荒 食不能人二騙則令移民就穀詔王殺邦用膳夫大荒

銀定匹庫全書

老二下

宗人以至日致天神人鬼地示物勉以會國之山荒即 利民矣一以散利為先則其關緊民命尤急也利不散 則令邦國都縣處刑貶即荒政之緩刑也小宗伯大哉 此十有二政曰弛力曰簿征曰會禁曰去幾固皆有以 不致其詳馬成周聚民之意可謂仁之至義之盡矣然 荒政之索鬼神也六官之屬皆可以為荒政之助者無 及執事禱祠于上下神示太祝天哉彌祠社稷禱祠家 則民不聚雖有告禮審樂殺哀多昏之政未必有實惠

223 Se 2017

銀灰四月全書 ·原以振貧民遣使以振貨無種食者亦得周人賜民施 而領之旅師則聚野栗平領其與積施其惠遺人掌縣 敌克有九年之水湯有七年之早民無菜色者備先具 河東漢人之就食蜀漢亦得周人移民就穀之意發倉 都之委積以待凶荒皆先為之備也後世如梁之移民 也是以周人有倉人掌栗入之藏有餘則藏之以待凶 之食九年耕必餘三年之食預為先備以為散利之地 及民先王荒政以散利為急蓋古者三年耕必餘一年

之名存而實於卒有水旱之變國胡以相恤哉上無以 汉定四年全書 人 之不思禮義生於富足盗賊起於貧窮周人荒政以除 與乃相與詩求其母盗之策甚者必重法立威以求勝 利之助而後人不能遵守其法而推廣其意常平義倉 盗贼居其末蓋亦甚不得己也鄭氏謂急其刑而除之 散其利下無以聚其民則有去而為盗賊者矣盜賊方 倉人藏栗旅師聚果遺人委積之政誠可以為荒政散 惠之意然皆可暫而不可常也獨一常平義倉之法有 禮經會元

宜也山年盗賊蓋亦饑寒所迫耳何後世不求所以救 **凶荒之政而徒求其所以勝盜賊之術 軟然則欲除盜** 盗賊在環人則謀賊然此非凶荒之時其除之必急固 囚則守盜賊在掌戮則搏盜賊在司隸則帥其民而搏 **贼者當如何日自散利始** 賊以徇且刑之在士師則掌邦賊邦盗之成在朝士則 凡盜賊殺之無罪在司属則掌賊盜之任器貨賄在掌 則失之矣且周人非不除盜賊也在司稽則執市之盜

為遂矣大率在中國者合七萬五千家則為六鄉在四 任墨田及七等之田鄉遂受田之制愚既於井田言之 郊間師所謂掌國中四郊者此地也其餘則為載師所 郊者合七萬五千家則為六逐小司徒所謂稽國中四 則國中為鄉矣遂士掌四郊各掌其遂之民數則四郊 地為鄉逐皆未足據案鄉士掌國中各掌其鄉之民數 王畿千里有中國郊野之别註家分近郊遠郊百里之

大学日本中人

禮經會元

為比則有二千五百比長以下士為之合六鄉有萬五 縣為都此六遠之比也六鄉六逐各七萬五千家五家 千下士矣五比為問則有五百問胥以中士為之合六 五家為鄰五鄰為里四里為衛五都為鄙五鄙為縣五 矣今好以鄉遂之官言之司徒曰五家為比五比為間 上士為之合六鄉則七百五十上士矣五族為黨則有 鄉則三千中士矣四間為族則有一百二十五族師以 四間為黨五黨為州五州為鄉此六鄉之比也遂人曰

干家而禄有萬八千餘官說者多疑其不給不知鄉老 六鄉合六卿矣六遂之數亦然但每官各早鄉官一秩 矣五黨為州則有五州長以中大夫為之合六鄉則有 大夫之屬必以朝臣兼之此長問胥族師之士亦必以 且以三公兼之鄉大夫則以六卿兼之其他中大夫下 爾六鄉之官凡一萬八千九百三十六人六鄉七萬五 三十中大夫矣五州為鄉則鄉大夫一人以鄉為之則 二十五黨正以下大夫為之合六鄉則百五十下大夫 ステラー ハエー 禮經會元

其施舎可任者則如鄉軍旅田役之致民者亦如鄉賓 五千家之賦豈有不給者哉然皆疑之司徒而下則掌 登其大家聚寡及六畜車輦則如鄉辨其老幼廢疾與 六鄉遂人而下則掌六遂鄉官列於鄉師之下而遂官 六鄉之民為之六鄉大夫所謂使民典賢出使長之是 列於市官之後何其不相聯也且以遂官考之以歲時 也況自鄉大夫而下並無府史胥徒六遂之官皆然其 不設局分可知矣雖曰萬有八千餘官而禄之以七萬

姓職曰野職道曰野道役曰野役賦曰野賦周人為是 君子莫治野人在六遂者上則曰野民則曰此胜曰野 鄉之教而獨暑於六送邪孟子曰無野人其養君子無 |弟睦婣任恤之書惟及六鄉而不及遂先王何詳於六 物糾民惟曰鄉八刑歲時邦法之讀德行道藝之選友 客祭祀之共給者亦如鄉歲終之會政致事者亦如鄉 先後詳暑之致者所以别野人也不然鄉大夫之職辨 而司徒之教飲惟曰鄉飲射惟曰鄉射賓與惟曰鄉三 とこうこ 1.11 世至的こ

地皆同此教法亦何有鄉逐之别乎是故鄉大夫三年 民先王未曾以內外殊觀也觀小司徒掌建邦之教法 為早晚之别邪雖然鄉遂之官皆王官鄉遂之民皆王 之野則自六尺以及六十有五早賦而晚免之何亦分 比則即其更而與此明其有功屬其地治者有功地治 大比則考其德行道藝而與賢者能者遂大夫三歲大 夫家之可任者國中則自七尺以及六十晚賦而早免 以稽國中四郊都鄙夫家九比之數則是王畿千里之

一多定四库全書

老二下ラ

飲定四車全書 人 案大司馬制軍天子王畿六軍公大國三軍侯伯次國 遂則知先王不以地而棄才 先王不易俗而脩教觀周人三年之比賓於鄉而與於 二軍子男小國一軍此制軍六等也萬二千五百家為 才也愚故日觀周人三物之教詳於鄉而界於遂則知 六鄉之為則其所以待六遂之人才猶其待六鄉之人 非德行道藝之考而鄭氏以為舉民賢者能者亦如 軍賦 禮經會元

地言之則可任者十六人凡起徒役無過家一人則 者二家五人下地可任者家二人一井凡八家站以下 特此爾司徒司馬皆言上地可任者家三人中地可任 十二軍之衆僅制為六軍可見先王之不盡民力也不 美六遂亦七萬五千家合六遂六鄉則可制十二軍有 而會之惟以下劑為率其寬民力可知也上地有三人 井只八人爾故遂人曰以下劑致旺民雖受上田中田 鄉萬二千五百人為軍家起一人為軍則六鄉為六軍

之制而制軍惟六軍則兵未嘗盡行也又況有萬二千 火足四車 全事 禮經合元 追胥如子弟之衛父兄手足之桿頭目宣有規避而不 别聲音足以相識則以之起軍旅以之作田役以之比 日之州長鄉大夫也恩足相恤義足相救服容足以相 他日之五長兩司馬即平日之比長間胥也他日之卒 五百人居則為比問旅黨州鄉會則為伍兩卒旅師軍 之數而起役惟一人則役未當盡調也鄉遂有十二軍 長旅師即平日之旅師黨正也他日之師長將軍即平

制軍之意也然此特制軍之法爾而周人因井田以制 家皆使為軍而不留半兵也故君子識之以其非周人 且不盡用其民至晉作州兵是盡一州二千五百家皆 且如魯人三郊三遂亦可作六軍而大國只三軍而已 使之盡行恐未必盡竭鄉遂之民意必有遞征之法也 云追逐寇也骨捕盗也習田固可竭作追骨寇盗雖曰 一行者哉考之周禮徒役只發一人惟田與追胥竭作註 使為兵而不留羨卒也晉作三行是盡郊遂七萬五千

金りロルノニー

成乃以來字為甸而改讀之彼徒見司馬法曰四井為 之則甸四十乗都六十四乗其車乗之城可知也六軍 十有六井百四十四家共出車一乗矣比丘 乗之法推 邑四邑為丘馬一足牛三頭四丘為旬六十四井出長 幾都之地而所出只此而已亦豈為多乎敢為內鄭康 出車五百一十二乗以供六軍之用王畿之内不知有 共七萬五千人只此八都受田之夫可以供之八都共 軍賦可得聞乎案周禮稍人掌丘乘之法是四邑為丘 てたりう ハルラ 禮經會元

較一乗馬四足牛十三頭甲士三人步卒七十二人故 敢百為夫夫三為屋屋三為井井十為通通為疋馬二 雖多司馬發兵之數則少也又案司馬法曰步百為敢 者通一千二百八十人今司馬法只用七十五人說者 計之可任者二十人向六十四井為五百二十家可任 以乘為旬所出而丘非之賦也然二井八家若以中地 十家士一人徒二人通十為成成百井三百家革車一 乃四百七十家有餘只賦兵二十五人周禮蓋兵之數

金 元四年全書

老二二下

帝五百家積數百井八百家約為丁四十八百人可任 東士百人徒二百人十終為同同萬井三萬家革車百 者二千人二十分四千之一有奇為四甲百人有奇又 東士千人徒二千人案前言向六十四井用七十五人 數乃起發其一分之體故八百家只有三百家番休者 調三十人此與前說又不合也說者乃曰四分當兵之 今十旬為成旁加甸地三十六井共百井八百家乃只 乘士十人徒二十人成十為終終千井三千家革車十 聖聖かし

制而引郊州野縣都之說釋車甲之賦則引司馬法釋 馬法釋并已之制而引夫屋終成通同之說釋郊甸之 合周禮馬可引之以亂聖經邪鄭康成釋經往往據司 田穰苴作或以為齊威王論兵法而附穰直作其書豈 人起於何代或以為文王治岐作或以為齊景公大夫 一一一年全書 四分百人之一有奇只發三十人此又於發兵之數三 乘之法安可援是以為据且司馬法之書不知作於何 分而休其二也二說旣自不同儒者禮為之解釋爾兵

當需者鄉遂之官皆素備於平日豈特臨時而後修車 一段定四軍全書 華都長作民以強敏兵革帥而至則凡軍旅田役之所 雖不詳言軍賦而小司徒登其鄉之六畜車輦鄉師簡 儒者之惡愚請以周禮為據而司馬法無所取馬周禮 而至遂人登其夫家六畜車替遂師登其夫家六畜車 其皷鐸旗物兵器族師合卒伍簡兵器以鼓鐸旗物師 釋朝會之儀則亦引司馬法未能辨聖經之疑適以滋 溝洫之說則引司馬法釋養華之名則引司馬法以至 ~ 禮經會元

藏於民作而用之自有成法故軍旅不言賦之數以其 之賦通內外皆然也是雖不許乎軍賦而兵寓於農賦 人以甸稍縣都為名凡有軍旅則屬於司馬則是丘乗 縣師之法作其同徒董雄的而至以聽於司馬縣司稍 皆出于田而有定額也又況小司馬之職有關文軍司 皆備旗鼓兵器帥而至稍人若有師田行役之事則以 法于司馬作其聚庶及馬牛車輦會其車人之卒伍使 馬備器械也哉不特此爾鄉師有軍旅田役之戒則受 次足四車全書 此則六軍可知矣是以太宰之職九賦斂財皆有以待 逐時乃劉焚時乃糗糧是侯國三軍皆鄉遂自共之推 有積倉行有裹糧非公家之所給也書曰魯人三郊三 |馬與司馬行司馬又皆缺職安知軍賦不見于此而俱 道路之委積委人軍旅共其委積新易廪人師役則治 其糧與食倉人我事共道路穀積飲食之具此皆待官 府給軍事者與六軍無預六軍家自為兵人自為備居 不存邪若夫外府軍旅共其財用之幣齎遺人師旅掌 禮經會元

史胥徒是官之役在民伍雨卒旅是兵之役在民境苗 成周役民之法其要有四比間族黨是鄉之役在民府 田之役也簡在兵之役也球在鄉在官猶禄之廩鎮在 獮狩是田之役在民在鄉之役也常在官之役也久在 煩於均節歟 軍旅豈非農皆為兵兵皆自賦初無煩於廪給故亦不 其用獨不及軍旅九式均財皆有以為之法而亦不及

之牛馬車華委輸之役則共之其為役若繁矣然周人 也大故致民則守衛之役也城郭溝渠涂巷之役則治 土地上地家三人中地二家五人下地家二人是均之 所以制役之法則可以謂織悉委曲者馬小司徒之均 近也均人之均力致豐年則旬用三日中年二日無年 及六十野自六尺以及六十有五是征之以國野之遠 以土地之美惡也鄉大夫之登其夫家國中自七尺以 兵在民則民皆自給之矣其地大事致民則追捕之役

美由後觀之百堵皆與藝鼓弗勝則民樂於作室之役 等矣是以為用之民不惟不以役為勞又將皆以役為 者能者賢者服公事者老者疾者皆舍則役之又有其 矣二之日其同載續武功是不以田役為勞也王事多 察由前觀之經始勿亟庶民子來則民樂於為臺之役 民之力不亦甚寬矣乎況鄉大夫辨其役之可舍者貴 起徒役則無過一人遂人之致此則惟以下劑是其用 一日是又均之以年歲之上下也不特此爾小司徒之

銀定四庫全書

規避者抑當考之均人豐年用三日中年二日無年一 邊雖貴者不舍也後人之役如是抑何怪斯民之不求 役之不均也王事靡監不追将父此役之不時也以至 こうことこ 絳縣之老亦與城祀雖老者不舍也丞相之子亦令戊 東杼軸其空則其役傷於財大夫不均我從事獨賢此 日此即王制所謂用民之力處不過三日也一人一歲 又無其法土國城漕我獨南行則其役因於力小東大 難不遑啓居是不以兵役為勞也後之役民既無其道 均用民力也謂之公旬是均治公事也此持一時之役 無交番之兄此亦一說也然以均人考之謂之力政是 九人各於其家償三日之役如此則民無道路之勞官 聯歲輪一夫祗役一月周而復始凡執法而在官者則 復此一說也或者以為調役之法使五人為伍十人為 在官之齒歲以三日為斷用之九十日而免則終身不 者以為民三十而事六十而免名在官者三十年均其 以三日為斷役三日則更一人往來更代不亦繁乎或 巻二下ラ

旅行役之事非歲所常有也如或有之其調發自有定 九足四年 上 春祖冬此豈三日可辨之事哉大抵力役以三日為斷 制恐非以三日為斷東山之役三年而歸来被之成自 必隨遠近更遞而調發之雖一人用一日可也若夫師 計也夫三日一日用其民而民有斯干靈臺之詩三年 卿行旅從下之從上如父兄子弟之衛民亦不暇以久 行役不與馬萬一有東山之征采被之成則君行師從 謂城郭溝渠涂巷之治牛馬車輦委輸之役也而軍旅 禮經會元 乳

嘗觀今之役法田役兵役既不及民府史胥徒則今之 ·充役是豈無自而然數蓋成周比長問胥族師黨正皆 差役則不免出力以任之所謂差役者里正保長是也 夫有產則有役皆職分之所當為也今皆規避以求免 民哉亦以佚道使民民忘其勞說道使民民忘其難爾 何邪且周之役繁而民樂於為役令之役簡而民若於 顧役也比問族黨則今之差法也顧役既出稅以顧之 年用其民而民有東山聚機之詠周人何以得此於

金グロル

是猶有比問族黨之遺意今胡為而以胥徒待之也吁 悉由吏部除授唐之里正村正皆以敷品以下者充之 能任之力民亦何樂而為此役哉不思漢之鄉老啬夫 有關睢麟趾之意而後可以行周官之法度欲復成周 且皆有秩後魏之鄰長里長亦復縣成隨之州縣鄉官 如徒胥之賤況又责之以所不堪供之財迫之以所不 今之里正循族師黨正也一日執役於官則視之不啻 **交包田臣公野** 下士中士上士下大夫為之令之保長循此長間胥也 ... 禮經倉元

之於三年且以鄉大夫實興之制觀之三年大比則合 之他官而屬之教官者大豈無意歎蓋必有教之於平 之後當有忠厚之意可也不然周之鄉役其何以獨在 時斯可以與之於其日既有以書之於每處斯可以考 比之法熟不知德行道藝之重然亦思周之選舉不屬 論成周選舉之法熟不知鄉舉里選之為公論三年大 教官之屬哉 選舉

士大夫相酬酢是以賢能之可尊而等其人也實之明 又已日上上日 · 禮經會元 六鄉之士而可以當天子之拜可以聯祖廟之藏是又 于天府內史掌詔王治乃書其貳將以詔王用之夫以 日公卿羣吏乃以其書而獻之於王王乃拜而受之登 夫之賢以鄉飲酒之禮禮而賓之夫以六鄉之民得與 三公之等鄉大夫以六卿之貴與夫六鄉之吏以士大 有道藝者為能則與其能既有賢能之可與則鄉老以 六鄉之民而考其德行道藝有德行者為賢則與其賢

嚴屬民讀法之時而所書者亦德行道藝也族師所書 爾大司徒掌教以鄉三物教萬民而賓典之所謂六德 行道藝中物特於二十五家之間百家之族凡有一行 雖日孝友睦媚有學問胥所書雖曰敬敏任恤無非德 領法教民之時而其考察者即德行道藝也黨正以正 而已六鄉之民果何修而臻此蓋將自鄉大夫以正月 以野能之可敬而敬其書也所謂野能者曰德行道藝 藝皆書之而未遠責其德行道藝之全備爾不惟是

金分巴四百十二

國子必日教以德行養以道藝是無住而不為德行道 正之斜官衛必日糾其德行教之道藝師氏保氏之教 考者亦以此教之之初已為賓典之地典之之日尚何 此則今日之與者亦以此平日之書者以此則今日之 糾萬民之德而勸之朋友正其行而疆之道藝巡問而 一六行六藝者即此物也以至司諫雖非六鄉之吏而掌 とこうる ハルー **員於賓禮之隆哉大哉成周之教不獨六鄉為然也官** 觀察之以時書其德行道藝皆此物也平日之教者以 豊理かえ

直也三日主及是其持方夫審固也四日和客則知容 蓋射可以觀德州長春秋會民則以禮而射于黨序是 止比於禮五日與舞則知其節奏比於樂鄭氏日和載 有五物之分一日和是其内志正也二日容是其外體 |賓典矣又曰退而以鄉射五物詢聚庶者蓋將以是而 藝也而況於三年實典之選乎然鄉大夫既以大比而 六德容包六行主皮和容典舞則六藝之射與禮樂與 示人之激品而為實典之繼也射持六藝之一物爾而

豈有不理者哉賢能之與皆出於民此鄉舉里選之所 決定四華 全善 而與民相勸助故人而在官府治事者此人也出而在 與民相周旋以所與之人而還以治之必能超事赴功 将因射而知自勉矣故又曰比謂使民與賢是民自知 以為公也以所與之人而還以長之必能與利除害而 民興能是民自知其能而與之矣入而使治其事則事 其賢而與之矣出而使為之事則民豈有不服者哉使 以射擇士也鄉大夫以射禮而詢聚庶則六鄉之民又 禮經會元

五十二

學則所舉者皆詞章所教在此所學在此則所舉在此 科目未足壞人才而教化已先壞人心術矣後世言者 人亦教之者有以壞人也鄭司農謂與賢若漢舉孝原 之人哉後世選舉之法壞人自科目始吁科目豈能壞 比問為長者此人也則是在官臨民者就非德行道藝 夫教之以利禄之學則所舉者皆利禄教之以詞章之 與能若舉茂才不知漢之平時所教者果孝康茂才否 非不知鄉舉里選之為可復然平時無德行道藝之教

次之日上上日 · 道之始韓子以士農工賈之民父母兄弟夫婦朋友之 成周以道教民之意固隱然在此矣孟子以五穀魚鼈 不可勝食材木不可勝用使民養生送死無憾而為王 山澤聯關畿與夫師田行役冠昏飲射丧祭之法而已 教職而屬之司徒鄉官不過畫鄉遂理兵農征財賄掌 行道藝教民而司徒三物之教惟六德六行六藝爾道 不知為何物然則道之為教非可以一端名也先王以 而一旦欲行德行道藝之選宣不迁战雖然成周以德 禮經會元 至四

位推而至於官室桑麻栗米蔬果魚肉之物而歸之 化之原皆此意也周人六鄉之教無非吾道中物而六 禮經會元卷二下 六行六整之物質自吾道中來異時實與賢能出長 吾道之教先王以道設教蓋如此後人不 |民而區區欲以科目取士尚何怪人才之